

道園學古錄

冊

一

道園學古錄

道園學古錄



四部備要

集部

上海中華書局據明刻本校刊

校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

雍虞公文字

斯文與造化功用相彌綸國家氣象相表裏故文人生於世有數文章用於世有時斯言若夸理實然也皇元混一之初金宋舊儒布列館閣然其文氣高者崛強下者委靡時見舊習承平日久四方俊彥萃於京師笙鏞相宣風雅迭倡治世之音日益以盛矣于時雍虞公方回翔胄監容臺閒吾鄙有識之士見其著作法度謹嚴辭指精覈卽以他日斯文之任歸之至治天曆公仕顯融文亦優裕一時宗廟朝廷之典冊公卿大夫之碑板咸出公手粹然自成一家之言山林之人逢掖之士得其贈言如獲拱璧公之臨文隨事酬酢造次天成初無一豪尙人之心亦無拘拘然步趨古人之意機用自熟境趣自生左右逢原各識其職故自其外觀之如深山穹林葱蒨蒼鬱莫測根柢鉅野大澤汪洋澹泊不爲波濤試刺其中則日月之精凝結歲久皆成金珠龍虎之氣變化時至卽爲風雲孰能窮其妙也哉太史夏臺劉君伯溫蚤歲鼓篋從公成均及爲江右肅政使者近公寓邑乃哀公之文將傳諸梓書來京師屬玄爲序玄惟李漢於昌黎子瞻於廬陵皆能知而能言者走豈能爲前人役乎第於公有世契生平敬慕公之文以附著姓名爲幸又高劉君政事之暇敦篤風誼如是



道園學古錄目錄

雍虞集伯生

在朝藁

卷之一

賦

別知賦送袁伯長

古劍賦

畫枯木賦

木齋賦

操

思魯琴操

古詩四言

味經堂詩 有序

題宋誠甫侍郎垂綸亭

高彥敬青山白雲圖

趙忠簡公祠堂詩

賦衛節婦王夫人

題樂易齋

古詩五言

護草生竹間

高竹臨水上

月出古城東

書上京國子監壁

至治壬戌八月十五日榆林對月

續秋日梨花

李老谷

上京有感次韻馬伯庸

賦水木清華亭

續詠貧士一首

又一首答舍弟見和

後續詠貧士四首

觀花有感

赤城館

同閣學士金鴨燒香

退直同柯敬仲博士賦

送良上人賦得井上桐

送吳子高

于仲元舍賦紅梅

寄題新治亭

題儋耳東坡載酒堂

盜發亞父塚

應制題吳王納涼圖

步虛詞四首

題商學畫

贈藝監小吏

記子昂畫

送西臺治書仇公哲

送張道士歸上清

日出行

贈治冠者

贈寫真修士明

寄陳衆仲上都作

贈鐵冠道者二首

贈商德符華山圖

寄幻庵主者

賦茅山道士雲松巢

酬上清道士鈔陰何詩

題李溉之學士白雲半間

題浴日觀

吹笛圖

送李彥方閩憲

題朱邸竹木

畫古木

題薛外史瓊林臺

題彭澤陶氏家譜

卷之二

古詩七言

賦洛川老人九十

子昂畫馬

家兄孟脩父輸賦南還

商德符畫幽篁古木

為達兼善御史題墨竹

題畫

題日景初僉司畫

白翎雀歌

為范尊師賦雲林清遊

送甘以禮調官歸鄉

題鄭秀才隱居

詠史

賦蘇伯脩滋溪書堂

送張兵部分題得屋上烏

張令鹿門圖

湛湛行

子昂墨竹

賦吳郡陸友仁白玉方印

畫鶴

寫廬山圖上

題柯敬仲畫

敬仲畫扇



題簡生畫澗松

題繼志堂後

題柯博士畫

題高彥敬趙子昂共畫一軸

題灤陽胡氏雪溪卷

題楊友直枯木圖

題詹圃老梅圖

酬蕭侯送蒲萄

題衮塵騮圖

律詩五言

林臯亭

題子昂長江疊嶂圖

挽胡伯恭令尹二首

題雪谷曉行圖

送先隴二隣僧還吳二首

節婦王夫人劉氏

次韻阿榮存初見寄

雪谷早行

雪巖樓觀

送人之劍閣倅

寄子山尚書

漫興

送張尚德

寄丁卯進士薩都剌天錫

送趙繼清令尹之官安陸

明皇按樂圖

送長沙守

送趙編修祀西嶽江瀆

代衆仲作

送王照磨之官雲南

題宋雲舉太常臨汾二節婦序後

玉堂燕集圖

寄莆田先生

畫檜

爲歐陽少監題宋好古竹

題朱邸竹木

赤壁圖

送朱潛虛之廣東照磨

賦程氏竹雨山房二首

代石答五首

立春夜試墨

正月十一日朝回卽事

次韻筠軒

慶史治書八十

送陳碩

送趙子期宣

詔交趾

寄答桂風子先生

鄭谷圖

李員嶠墨竹

贈楊友直

寄阿魯翬學士

題况肩吾縣令贈行卷

八月八日有感題視草堂壁

試問堂前石五首

送魯子翬廉使之漢中

蜀人曲江之官贈以墨竹

贈別兵部崔郎中

次韻李侍讀東平王哀詩

送國王朵兒只之遼東

奎章玄玉

卷之三

律詩七言

送袁伯長扈從上京

代祀西嶽至成都作

贈星上人歸湘中

子昂秋山圖

題黃竹村所藏畫卷

過池陽與周南翁同知

安慶路雙蓮寺得上人超然亭

謝茅山主者贈白羅氍毹衣請為作大洞祖宗師四十五贊

送莫京父廣憲經歷

遊尚書何公山莊四首

次舍弟仲常葬黃氏妹傷感韻二首

題故太子少傅翰林承旨李野齋幽居圖

送江聲伯

同歐陽原功待制宿齋宮賦

次韻張澹菴青山寺詩

次韻國子監同官二首

次韻馬伯庸學士見貽并簡曹子貞學士燕信臣待制彭允

蹈待制二首

賦國史院鰲峯石

進講後侍宴大明殿和伯庸贊善韻二首

十一月二十夜思仲常第二首

次韻道士竇神清賦舜粟

賦道士張彥輔為徐中孚作江南秋思圖

詩贈竇神清歸隱茅山

右題南野亭

送貢仲章學士奉祠嶽瀆 次韻吳成季宗師赤城阻雨

次韻伯庸尚書春暮遊七祖真人菴兼簡吳宗師四首

觸石墜馬臥病寄漑之學士敬仲參書二首

送宋誠甫太監祀天妃 再用韻謝閉閉宗師二首

雲州道中數聞異香 次行楊友直北行道中

再用郊字韻二首謝王儀伯參政見和

十月十六日李漑之學士宅宣 旨賦并得其鎮紙玉蟾

次韻馬伯庸尚書 送甘太史祀名山大川

寄天台武夷太無三君 子昂墨竹

卽事呈閣老諸學士 賦胡氏皆山

賦碭山成簡卿心遠亭 送全州錄事

送蔣山善公 玉堂讀卷

謝吳宗師送牡丹 和范德機從楊撝進士見寄

送進士劉聞赴臨江錄事 贈別銘性粹中支渭興文舉二賢良

賦別羅朋友道 贈趙生

贈昇龍觀主 訪李真人不遇

賦壺洲

完哲篤下第歸蜀

吳宗師夢予得山居奇勝特甚夢覺歷歷分明忻然相告賦

此

答李簡伯司業分俎

次韻朱本初訪李漑之不遇

仁壽寺僧報更生佛祠前生瑞竹有懷故園四首

寄子敬趙平章

題張太玄為陳升海畫廬山圖

別國史院鼇峯石二首

神鳳琴

繼陶居士傳

謝書巢送宣和瀘石硯

送蘇伯脩御史

次韻柯玉文寄別

謝書巢惠梅花

再用韻簡巢翁

送玉泉長老栗木果

送王君實御史

寄句曲外史張伯雨

寄答馬昂夫總管

觀大洞經書與董道士

送劉宗師歸茅山

與薩都刺進士

送歐陽原功謁告歸瀘陽二首

送王師魯編脩祀南鎮

次韻楊友直

題東平王與盛熙明手卷

和馬侍御西山口占

到先壠為墓人書

八月十五日傷感

題煖翠亭

送許有孚赴湖廣提舉

賦石竹

寄賦朵兒只平章紫微亭

賦碧筠堂

奉同吳宗師賦蔡七祖新齋

次韻吳宗師

寄來鶴亭主人

送王中夫赴安慶教授

送張兵部巡視運河

謝吳宗師惠墨

再和二首

三用韻答巢翁

四用韻二首寄吳宗師謝夏真人

謝吳宗師送牡丹

題著色山圖

題熊太古畫

送趙伯常自中臺出貳淮憲

送淨慈書記

送趙秉彝

題畫

城東觀杏花

題張希孟中丞送畢申達提點卷後

寄海南故將軍

寄泉南三老人

次韻宋誠甫學士城南訪病暮歸

次韻答衆仲助教相壽

題康里子山尚書凝春小隱

次韻杜德常博士萬歲山

次韻宋顯甫



絕句五言

宴陳公子宅贈燕學士

宣和墨竹寒雀

上馬

雙鷺圖

題日僉司所藏惠甄腐瓜行蟻圖

畫扇雀竹

畫扇柳蟬

畫雙蝶

商德符畫松

河梁泣別圖

題蒙古松壑書

捕魚圖

子昂畫二首

雜寫二首

題柯敬仲雜畫十五首

題李漑之學士湖上諸亭十一首

題熊太古畫二首

敬仲竹樹古石

六言

題柯博士九疑秋色圖

題柯博士畫

卷之四

絕句七言

次韻竹枝歌答袁伯長三首

木夫容

水夫容

送四川憲使五首

曹將軍馬

舊屋

誰家

馬圖

留別叔父南山翁三首

王母圖四首

竹杏沙頭鷓鴣

閩州海棠

畫猿

記夢中詩三首

維摩

題周東陽進士為南郭園林記後

錢舜舉折枝芙蓉

商德符溪山小景

題趙子昂馬

寄馬伯庸尚書

賦故宋李忠襄公烏石渡舊隱

商德符小景

訪杜弘道不值道中偶成

聽雨

春雲

與趙子期趨閣

玉堂讀卷雜賦次韻三首

題陳衆仲送人之官南平序後

院中獨坐

題歐陽原功柯敬仲畫二首

子昂人馬圖

題風入松詞後

題畫古木

桓州驛題壁

子昂幽蘭倚竹

子昂竹石

畫竹石二首

酬書巢送棕帚

子昂畫

送上黨長

畫馬二首

畫羅漢

題納涼圖

題畫

題趙子固畫

息齋竹

至前一日答吳宗師

題吳彩鸞所書唐韻

壬申芝亭春帖子四首

華萼樓宴集圖

題子昂竹

送趙虛一歸金陵

題子昂春江聽雨圖

題柏舟堂

次韻杜德常秋日西山有感四首

題畫

黃筌夫容乳狗

題柯敬仲畫

題東坡墨跡後

題著色山圖

題東坡帖

題畫

題李氏清溪精舍

題李氏浩然堂

聽雪軒

放鶴亭

臘日偶題

無題

與陳升海

與陳道士

題扇與周幹臣

樂府

次韻禮院孟子周簽院秋夜曲二疊

招熊少府

廬山尋真觀題法曲導引

題梅花寒雀圖

柳梢青題補之梅花

風入松

頌

皇太子受寶頌有序

郊祀慶成頌

銘

劉氏求志齋銘

益齋銘

陳伯升新齋銘

中齋銘

陶硯銘

洸硯銘

硯銘

潭心銘

永思堂銘

贊

御書贊

御書贊

臨川吳先生畫像贊

自贊

魯子翬畫像贊

蘇君真像贊

奎章閣大學士光祿大夫忽公畫像贊

西夏相幹公畫像贊

天根子贊

橐駝圖贊

大象圖贊

謝靈運小像贊

卷之五

序

雲南志序

橐城董氏世譜序

高唐李氏世譜序

田氏先友翰墨序

游長春宮詩序

送許世茂詩序

李景山詩集序

女教書序

送文子方之雲南序

題史秉文資陽故譜序

送集賢周南翁使天壇濟源序

送彭德韓經歷赴官序

送蘇子寧北行詩序

送李亨赴廣州教授詩序

送廉充赴浙西憲司照磨序

送李擴序

送李完赴建德總管序

經世大典序錄

張師道文藁序

忠史序

易啓蒙類編序

送憲部張樂明大夫使還海東詩序

送杜立夫歸西蜀序

送朱仁卿赴安慶教授詩

送趙茂元序

送熊太古詩序

卷之六

序

國子監後圃賞梨花樂府序

贈何明之序

李仲淵詩藁序

本德齋送別進士周東揚赴零陵縣丞詩序

安君仲文集序

題尹先生壽詩序

送李仲淵雲南廉訪使序

魏氏請建鶴山書院序

兩尹先生慶九十壽詩序

送魯遠序

吳張高風圖序

送王在中編脩奉祠西嶽序

孔林廟學新設管勾簡西碧之任序

隴右王汪氏世家勳德錄序

送祠天妃兩使者序

詔使禱雨詩序



國子監學題名序

送江西行省全平章序詩

送李道濟之官夷陵詩序

送進士劉楨序

送達溥化兼善赴南臺御史詩序

陳雲嶠省親詩序

宣城貢先生慶八十詩序

送甘以禮詩序

曾魯公世家盛事集後序

禁扁序

送趙茂元歸鄉序

卷之七

記

西山書院記

鶴山書院記

白鹿洞書院新田記

尊經閣記

王先生祠堂記

小孤山新修一柱峯亭記

致慤亭記

孝思亭記

知還齋記

誠存堂記

克復堂記

樂善堂記

沛縣尉李君美政記

天爵堂記

劉正奉壘記

卷之八

記

新昌州重脩儒學宣聖廟記

光澤縣雲巖書院記

藍山書院記

滕州學田記

中書省檢校官廳壁記

潼州王氏忠孝堂記

松友記

悠然亭記

卷之九

記

慈利州天門書院記

順德路魏文貞公宋文貞公祠堂記

悅生堂記

高氏貞節堂記

書隱堂記

董澤書院記

舒縣城學明倫堂記

滕州性善書院學田記

京畿都漕運使善政記

王氏山南隱居記

可庭記

琅然亭記 思蘭亭記

平江路重建虹橋記

思學齋記

德符堂記

興雲橋記

說

尚志齋說

題王氏五歲女弟說

李士弘二子字說

李克峻字說

曾仲禮字說

劉仲經字說

卷之十

題跋

題趙祕書景諱所撰知郡王公庚應墓碑後

跋陸友仁所摹金石款識 題孝節堂記後

書王氏草韻後 題宋孝宗書貞觀遺事

跋御筆除丑閻太府監 題楊將軍往復書簡後

題臨川吳先生所述劉宣事狀後

題心遠卷後 題吾子行小篆卷後

書古劍銘後 題和林志

題真西山畫像 跋王端明畫像

跋大安閣圖 題王忠簡公進士謝恩詩後

題朱侯所臨智永千文 題故國子司業李公挽詩後

題王夫人貞節詩卷 題鮮于伯機與嚴處士翰墨

題鮮于伯機小篆 跋子昂書陰符經

跋陳信仲行卷

跋魯祭酒試諸生聯句

題湯東澗與張文子手帖

題宋諸陵畫象後

題陳彥和魁星圖

題閬州陳彥和致樂堂記

題晉陽羅氏族譜圖

題咬住學士孝友卷

書蕭氏官誥後

書仁本堂記後

跋晦菴與蔡季通書

題義士卷

跋謝太傅中郎帖

題申屠子邁畫馬圖

跋紹興三年召故參知政事歐陽脩之孫世興赴都堂審察

省劄

題朵來學士所藏御書後

題御書奎章閣記後

題蕭氏家世事狀

題蕭從道平雲南詩卷後

題米南宮墨蹟

題黃山谷墨蹟

題宋高宗所書便面

卷之十一

跋

朱文公白鹿洞賦草跋

紡績圖跋

約齋跋

王逸老草書跋

子昂墨竹跋

安生送行詩後跋

題劉貢父蘇子瞻兄弟鄧潤甫曾子開孔文仲兄弟賡和竹

詩墨蹟

跋王贊善遺事後

順菴銘跋

題趙樊川與張侯手書

題山谷書食時五觀

子昂臨洛神賦跋

王維輞川圖後

所翁龍跋

題張彬孝義手卷

金壇李氏唐誥跋

題吳傅明書并李唐山水跋

跋晦翁書後

晦翁與劉晦伯書跋

歐陽元功待制瀟湘八景圖跋

書趙學士簡經筵奏議後

字尤魯氏貞節跋

孟同知墓志銘跋

跋高宗御書

跋葉振卿喪禮會紀後

題程氏遺子元氏送女二詩

題高宗臨顏魯公乞米帖

題董溫其官誥 又題

題子山學士所藏永興公墨蹟

跋申屠君墓表後

奏疏

奏開奎章閣疏

表箋

經筵謝恩表

中書省慶親祀禮成表

國子監賀親祀告成表

即位太傅府賀表

中書省賀元正表

正朔中書省賀中宮箋

翰林國史院賀聖節表

上尊號翰林國史院稱賀表

賀冊皇后表

中書省賀皇后受冊箋

監脩國史府賀皇后受冊箋

建儲中書省賀皇太后箋

建儲翰林國史院賀皇太后箋

賀登極表

代平章政事張珪辭職表

講畢奏特加藁城董氏封贈表

謚議

中書平章政事趙壁謚議

兩淮轉運副使潘琚謚議

中書平章政事何榮祖謚議

翰林學士陳儼謚議

書劄



請吳先生書

慶吳先生初度啓

回吳先生慶初度啓

賀海南將軍啓

賀歐陽元功待制初度啓

除夜以璋送歐陽少監

答歐陽少監餽歲

答歐陽元功待制慶啓

回胡貢士啓

答簡西碧餽歲啓

卷之十三

碑

上都留守賀惠愍公廟碑

賀丞相廟碑

趙文惠公神道碑

兩浙運使智公神道碑

福州總管劉侯神道碑

卷之十四

碑

淮南憲武王廟堂之碑

知昭州秦公神道碑

蘇氏先塋碑

卷之十五

碑

嶺北等處行中書省左右司郎中蘇公墓碑

牟伯成墓碑

桐鄉阡碑

戶部尚書馬公墓碑

洛陽楊氏先塋碑

國子助教李先生碑

卷之十六

碑

御史中丞楊襄愍公神道碑

大宗正府也可札魯火赤高昌王神道碑

孫都思氏世勳之碑

卷之十七

碑

徽政院使張忠獻公神道碑

宣徽院使賈公神道碑

翰林學士承旨劉公神道碑

高魯公神道碑

卷之十八

墓誌銘

賀丞相墓誌銘

張平章墓誌銘

張隱君墓誌銘

熊與可墓誌銘

林彥栗墓誌銘

項鼎墓誌銘

揭志道墓誌銘

卷之十九

墓誌銘

王知州墓誌銘

曾巽初墓誌銘

胡彥明墓誌銘

趙曼齡墓誌銘

葉謙父墓誌銘

王誠之墓誌銘

王公信墓誌銘

王宜之墓誌銘

倪行簡墓誌銘

田夫人墓誌銘

汪夫人墓誌銘

鄭夫人墓誌銘

周夫人墓誌銘

史夫人墓誌銘

卷之二十

墓誌銘

祝夫人墓誌銘

黃夫人墓誌銘

程夫人墓誌銘

史夫人改葬誌

表

王伯益墓表

行狀

翰林承旨董公行狀

傳

王貞傳

李象賢傳

祭文

祭袁學士文

祭潘學士文

誄

謝先生誄

應制錄

卷之二十一

冊文 樂章

皇后祔廟冊文

皇后冊寶文

明宗皇帝祔廟冊文

皇太后冊文

明宗皇帝升祔樂章

策問

會試策問二

廷試策問二

詩

題周怡臨韓幹明皇出游圖

明皇出游圖

端午賜大長公主

董元夏景山口待渡圖

徽宗畫梨花青禽圖

趙千里小景

燕文貴小景

趙千里出峽圖

蘊能羅漢圖

白樂天重屏圖

陳閔畫中宗射鹿圖

羅漢圖

韓幹馬

曹霸下槽馬

韓晉公土星像

柯傅士畫扇

胡虔取水蕃部圖

滕昌祐懷香睡鵝圖

銘

奎章閣銘

棋盤銘

贊

趙平章畫像贊

趙中丞畫像贊

吳宗師畫像贊

御馬五雲驥圖贊

瑞雀贊

制誥

封宣聖王夫人制

鄆安大長公主詞頭

封太平王制

封營都王制

營都王夫人

封營國公制

營國公夫人

封寧朔王制

寧朔王夫人

封遼陽王制

封燕卜怜知院祖明里

祖母

父

趙平章加官封制

封悟理間八制

封鑑贊八制

封蔣山寶公和尚制

封張真君制

大道教十一祖張真人制

序

皇圖大訓序

金字藏經序

飲膳正要序

承天仁惠局藥方序

記

奎章閣記

五色石屏風記

御史臺記

天心水面亭記



龍章寶閣記

玉像閣記

碑銘

饒州路番君廟文惠觀碑銘

卷之二十三

碑

武衛新建先聖廟學碑

黃籙普度大醮功德碑

東嶽仁壽宮碑

大都城隍廟碑

句容郡王世績碑

卷之二十四

碑

曹南王勳德碑

高昌王世勳之碑

大崇禧寺碑

太平興國禪寺碑

卷之二十五

碑

大龍翔集慶寺碑

大承天護聖寺碑

河圖仙壇之碑

王侍宸碑

卷之二十六

供醮文

水陸會功德山

水陸會緣起文

國醮建壇青詞

朝詞

三清

昊天

后土

醮星祝文

太陽

太歲

歲后

金星

太陰

室宿

天罡

病符

大耗

土星

小吉

喪門

金星

醮星文

元辰天罡

羅喉

室宿

小吉元辰

太陽

參宿

太充元辰

太陽

斗宿

太陽

太白

軒轅

太陰

太歲

白虎

大耗

迎神

送神

醮星祝文

迎神

太陽

太歲

歲后

勝光

土星

婁宿

病符

金神

災殺

喪門

五鬼

青龍

白虎

送神

醮星文

迎神

太陽

太歲

天罡

小吉

功曹

歲星

羅喉

太陽

太衝

太白

熒惑

歲后

青龍

白虎

送神

金籙普天大醮青詞

建齋詞

祈嗣密表

皇后保安密表

建壇詞

第一日早朝

午朝

晚朝

第二日早朝

午朝

晚朝

第三日早朝

午朝

晚朝

散壇詞

設醮詞

祭星祝文

迎神

天罡

羅睺

室宿

弔客

小吉

太陽

參宿

金神

太冲

太陽

斗宿

白虎

病符

太陽

太歲

青龍

歲后

送神

黄籙普天大醮青詞

建壇詞

第一朝

第二朝

第三朝

第四朝

第五朝

第六朝

第七朝

第八朝

第九朝

解壇詞

設醮詞

風伯祝文

雨師祝文

皇后修設黄籙大齋齋意

正薦位白文

孤魂榜 門帖

祭風伯文

祭雨師文

長春宮祈福保安齋意

青詞

崇真宮祈福保安齋意

祭海神文

集慶寺正殿小上梁文

吾殿小上梁文

集慶寺正殿上梁文

吾殿上梁文

歸田藁

卷之二十七

賦

東臯賦

古詩四言

環洲詩為蔡天璧作

冰雪相看亭

竹林七賢圖

竹溪六逸圖

古詩五言

題汪華玉所藏蘭亭圖

寄題曹元賓尚書臨流圖

玉隆留題

黃堂留題

記夢

次韻陳溪山棕履三首

浮丘公吟為陳溪山壽

和陳溪山韻

為燮理普仕題陳立所作龍眠山圖

和陳溪山送蘭花韻

送空巖印公還徑山

題張觀海所攜虛舟竹所二毛圖



送龍翔高獨峯上人還金陵

送海東銛上人十首

題東郊山房

楚石琛藏主自蔣山歸却欲就林閱藏同舟清江之上賦此

贈之

題蒙菴爲黃石谷賦

爲黃氏賦大雅詩

南軒同登新閣登舟有賦

秋堂二首

題雪泉齋

分韻得一字送平江開元雪窗禪師

賦彭氏靜深堂

秋山行旅圖

題馬竹所九歌圖

清明山房詩爲危太朴作

次韻太朴對何仙舟讀書山中見懷

卷之二十八

古詩七言

江樓看劍歌書趙子昂銘劍後

賦劉益之雲松巢

題趙子昂十馬圖

畫馬

題畫

空山歌

題燮玄圃鰲溪春曉圖

題馬竹所畫

賦霍元鎮春江捕魚圖

南岡

題何大夫畫馬

題煜上人所藏息齋墨竹

題村田樂圖

柳塘野鴨

丙吉問牛喘圖

江貫道江山平遠圖

題長江萬鴉圖

盤車圖

贈羽士費無隱

題漁村圖

題韓幹畫馬

題黃仲剛山居溪閣二首

方壺畫山水歌

題秦統二夫人承召游華清宮圖

示子罔

律詩五言

題玉隆宮所藏宸翰

寄忽承旨

寄三衢守馬九臯

題朱澤民山水

寄題汪道士草亭

黃敬延送竹本

聞鴈

錢舜舉畫

山水圖

丹霞觀黃知微留別

題馬竹所畫

題曹霸馬

答陳溪山元日即事

送客北門晨登山木閣

次韻陳溪山二首

杏園詩為黃思順賦

卷之二十九

律詩七言

與燮元溥登仙游山

賦戴笠圖詩四首

賦黃茅岡詩五首

瑞竹

次韻明極講生陪敬齋監郡登華蓋

贈鄧公信

贈劉雲章漢章兄弟

壽陳溪山生日

秋日同朋遊北塔山

送尼山彭山長

游洛湖田舍

題范德機詩集後

答易至善

題屏山閣

贈易用昭

和陳溪山雪中雪晴二首

和陳溪山立春後三白即事

寄陳奉常

次韻陳溪山二首

謝陳溪山送蛾眉豆種

己卯秋舟過清江憶范德機

宜春臺晚眺

歐陽德器遊京

送黃子昂

書武進縣學記

己卯臘八日雪為魏伯亮作

寄賀吳宗師七十壽日

和陳溪山元日後雪

和天師韻

右鄙句韻

贈武夷道士羅鑑空兼憶范德機

寄題觀瀾亭

寄胡伯友

贈楚石藏主

遊北塔山

與薛玄卿會黃氏溪園

登華山按茅岡

次韻朱德嘉

寄薛玄卿

贈張仲華

答李伯宗編文

答黃仲律

題環翠亭

答馬竹所

送吳文明

次韻答陳溪山

雪夜有懷華蓋山王玉玄

答盱江聶空山

寄和吳閒閒大宗師

答吳宗師受希年詩韻

送海朝宗調官

寄趙知微廉使

題致爽樓

東坡墨竹

白雲閑上人度夏

寄龍翔寺訢笑隱

寄魯學士

答甘允從

次韻董子羽

次韻聶空山

寄貞居張先生

孫宰金碧山水

臨川冲雲寺祝壽

題掀篷圖

寄吳思可廉使

寄南安燕信臣總管

遊仙遊山

題方方壺作遊仙圖

答錢翼之

次韻聶空山送杏

和陳溪山春雪見貽

題荆門酒樓

卽事

目疾偶成二首

柯敬仲畫古木疎篁

答盱江石門江秀才

夢吳成季見訪

嘉平既望陳溪山山齋還月下獨步二首

題馬竹所捕魚圖

李伯宗錄詩

壽陳溪山

鶴

二月雪與陳齊賢

酬諸友編文

送朱明仲

題汪華玉子昂蘭石

題錢舜舉瓜圖

卷之三十一

七言絕句

癸酉歲晚留上方觀

雪後偶成

築室

自贊題白雲求陳可復所畫像

游仙詩五首

子昂竹

子昂蘭石

夢蟾圖

唐五王出游圖

八駿圖

射獵圖

題白玉蟾像

題大別山柏圖

答趙秉彝送地黃膏

酬張用鼎

題關尹問道圖

中秋前偶賦四首

答魯子翬參政四首

題赤城站壁二首

秋夜有作

玉龍圖

郭熙畫木

贈陳衆仲五首

贈閒白雲

無題

題亡弟嘉魚大夫詩後

題約牖爲譚无咎賦

書蘭亭後

題黃敬申虎圖

聞機杼

賦玉簪花四首

溪橋踏雪

答吳仲谷見寄兼簡許愿夫三首



題范德機詩後

題文丞相詩後

次韻陳溪山春日即事

題呂洞賓見滕子京像

題魏受禪碑

寄吳景永

次韻東山鳳栖別墅四時詞

送臨川艾蜚英游京師兼簡國史侍講

和陳溪山韻

題樓攻魏織圖

送程以文兼簡揭曼碩

西郊草堂圖為從子豈作

至正改元辛巳寒食日示弟及諸子姪

寄成都孝成姪

寄吳門弟姪

寄子安民從子宣

葵榴雙鳧

題明皇按舞圖

題昭君出塞圖

題陳氏遠塵樓

偶成

桂亭

田舍

題孝宣受貢圖

答饒心道

別樊玄圃後重寄

聞樊玄圃除御史

寄蕭性淵巡檢

題趙子固梅

古檜

題夢良梅

留易小雅樓促陳溪山同飲

和陳溪山櫻桃

留題龍門寺

樂府

滿庭芳

寄阿里仁甫

法曲獻仙音二疊為陳溪山壽

浣溪紗

銘

虛白齋銘

方床銘

几銘

先君硯銘

贊

陶淵明贊

劉原甫贊

劉貢甫贊

先君遺像贊

自贊

孝女贊

玄帝畫像贊

宰淵微先生畫像贊

卷之三十一

序

周易玩辭序

戴石玉所著三禮序

戒子通錄序

六書存古辨誤韻譜序

春秋胡氏傳纂疏序

鄭氏毛詩序

飛龍亭詩集序

曹文貞公文集序

楊叔能詩序

送危太樸序

葛生新采蜀詩序

甘天民詩序

黃氏復姓譜序

送饒則明序

卷之三十二

序

太平文學黃敬則之官序

國朝風雅序

送墨莊劉叔熙遠游序

送李仲永遊孔林序

易南甫詩序

晏氏家譜序

葉宋英自度曲譜序

卷之三十三

序

廬陵劉桂隱存藁序

曹士開漢泉漫藁序

秋岡詩集序

李梅亭續類藁序

送楊生序

楊賢可詩序

澗谷居愧藁序

送楊拱辰序 有詩

新喻州丁士英舉遺逸序

洛陽楊氏族譜序

送常伯昂序

周氏族譜序

卷之三十四

序

送李敬心之永嘉學官序

曾小軒集序

曾搏齋緣督集序

范左司松溪詩集序

送鄉貢進士孔元用序

饒敬仲詩序

漁樵問對序

送吳尚志序

送李棟伯高序

熊萬初舊雨集序

醫書集成序

送朱德嘉序

卷之三十五

記

王文祠堂記

曾文定公祠堂記

奉元路先聖廟學記

澧州路慈利州儒學記

新喻州宣聖廟儒學記

撫州路宣聖廟學記

寧國路旌德縣宣聖廟學記

撫州路樂安縣儒學記  
袁州路分宜縣學明倫堂記

卷之三十一

記

袁州路儒學尊經閣記  
南軒書院藏書閣記

信尼山書院記

張巖書院記

袁州路萬載縣宣聖廟學記

南康路都昌縣儒學記  
瑞昌蔡氏義學記

屏山書院記

考亭書院記

澧州路慈利州三皇廟記  
撫州路樂安縣三皇廟記

撫州路崇仁縣三皇廟記  
袁州路分宜縣三皇廟記

吉州路三皇廟田記

卷之三十七

記

卷之三十七  
飛龍亭記

摧茶運司記

江西湖東道肅政廉訪司經歷司題名記

龍興路滕王閣記  
襄陽路南平樓記

撫州路總管府推官廳壁題名記

撫州路譙樓記

撫州路崇仁縣治記

撫州路羊角洞天記

撫州路青雲亭記

卷之三十八

記

大本堂記

時中堂記

思本堂記

誠全堂記

德星堂記

謹敕堂記

君子堂記

柏友亭記

寫韻軒記

極高明樓記

主靜齋記

環翠亭記

廣西都元帥章公平謠記

卷之三十九

說

海樵說

孟宗魯字說

平心說

新喻蕭准仲又字說

劉瓊彥温字說

鄧漢淳字說

趙孟昌以順字說

趙孟誠以信字說



易晉用昭說

易至善字說

珍做宋版印

書

答方仲約論春秋書

答張率性書

答劉桂隱書

卷之四十

題跋

跋濟寧李璋所刻九經四書

跋劉資深墨莊後

題吳先生真樂堂記後

跋艾聖傳三絕碑後

跋程文憲公遺墨詩集

書范左司事後

題幹羅氏世譜

跋雙井黃氏家譜後

跋曹氏通濟倉記後

跋曾氏世譜後

跋劉墨莊世譜後

題先丞相寨屋親帖

跋朱文公與黃商伯書後

跋吳先生新登譙樓詩後

重書黃子中澄陂堂記後

書先世手澤後

跋柳誠懸墨蹟

跋山谷書蕭濟夫墓志後

跋吳廉使可堂說後

題李肩吾字通序

跋宋高宗親札賜岳飛

跋朱先生答陸先生書  
跋子昂所畫陶淵明像

跋張魏公與劉和叔墨帖後

題臨川西原許氏族譜  
跋黃思順醫說後

跋張方先生傳後  
題盱江傳路手卷

跋彭壽卿所藏先郡公手澤卷後

題蘇文忠公諸帖  
題何氏所藏蜀郡名公書翰

又題  
題岳飛墨蹟

題曾歐二公帖  
跋黃子昂所藏率更醴泉銘

表

謝恩表  
謝箋

卷之四十一

碑

江西行省平章政事伯撒里公惠政碑

建寧路崇安縣尹鄒君去思之碑

崇仁縣顯應廟冲惠侯故漢欒君之碑

昭毅大將軍平江路總管府達魯花赤黃頭公墓碑

集賢直學士張公神道碑銘  
有序

卷之四十二

神道碑

僉河南北等處行中書省事陳文肅公神道碑

江南北道肅政廉訪使楊襄敏公神道碑

僉燕南河北道肅政廉訪司事趙公神道碑

卷之四十三

墓誌銘

孫履常甫墓志銘

吳仲谷甫墓志銘

亡弟嘉魚大夫仲常墓志銘

皮槩墓志銘

建昌軍事判官雷君墓志銘

衡州路總管府判官楊君墓志銘

袁仁仲甫墓志銘

婁太和墓志銘

劉宗道墓志銘

黃東之墓志銘

卷之四十四

墓表

李仲華墓表

行狀

珍做宋版印

翰林學士臨川先生吳公行狀

祭文

祭吳先生文

祭孫履常文

傳

陳炤小傳

方外藁

卷之四十五

銘

龍虎山道藏銘

靈真宮銘

贊

佛母贊

蓮花菩薩贊

維摩文殊贊

華藏變相贊

達磨贊

毗沙門天王贊

多聞天王贊

瑞光塔院贊

老子贊

陳希夷贊

二茅山四十五代宗師贊

張宗師贊

吳宗師贊

道士贊

序

昌上人詩序

會上人詩序

吉上人詩序

卷之四十六

序

送吳閑閑序

送薛玄卿序

送趙虛一序

貞一藁序

送史講師序

記

潭州壽星觀記

順慶萬壽宮記

處州紫虛觀記

雲州白雲觀記

蒼玉軒記

著存閣記

滕州新修東嶽廟記

卷之四十七

記

袁州開元寺浴室院記

撫州相山保安觀記

碑

五祖禪師寺碑

成都正一宮碑

臨江清真宮碑

卷之四十八

碑

茅山崇壽觀碑

吉水州顯佑廟碑

銘

普安禪師塔銘

大辯禪師塔銘

卷之四十九

銘

晦機禪師塔銘

斷崖和尚塔銘

卷之五十

碑

廣化真人岳公碑

普明禪寺碑

杭州開元宮碑

仙都山玉虛宮碑

智覺禪師塔銘

廣鑄禪師塔銘

鐵牛禪師塔銘

陳真人碑



彭九萬碑

倪文光碑

墓銘

孫真人墓志銘

黃中黃墓志銘

張宗師墓志銘

非非子幽室志

重增目錄

馬處士墓銘

故梅隱吳公墓銘十八卷

寄題樓撫山普潤禪寺

寄題許愿夫抗雲樓

贈劉無作二首廿八卷

題趙師舜謝安遊東山圖

活水源為王欽道賦

夜宿周復心李伯宗

贈朱萬初之官建寧并序

題汪華玉子昂蘭石四首

題黃與可所藏錢舜舉瓜圖

春妍帶雪圖

題趙師舜汎崇蘭圖

題饒世英藏舜舉畫四首

江村秋晚圖

題饒世英藏孤鶴圖

題趙師舜藏雪竹圖

贈朱萬初四首已上並見廿九卷

子昂書忠孝二表贊三十卷

撫州路趙經歷祈雨序

送醫士吳益謙序

胡師遠詩集序

送李伯宗序

朔南風雅序

朱萬初製墨序 三十四卷

撫州臨汝書院記

撫州路重修東嶽記

趙氏義齋記

浩然樓記

環碧樓記 三十八卷

黃勉子勗說 三十九卷

王母龔氏墓志銘

同安簿周仁甫墓銘 四十三卷

道園學古錄目錄

道園學古錄卷之一

在朝藁一  
雍 虞 集 伯 生

賦

別知賦送袁伯長

余忽忽處此之無故兮，幾偃蹇以自窮。誓斂裳以遐征兮，抗九霄之雲龍。頰三辰而徘徊兮，遲後古以爲期。何夫子之俔俔兮，亦踉蹌而在茲。于嗟乎世德之浩浩兮，恥謂人以不賢。陳珮玉於交達兮，被涂輿以瑤環。設厚顏之鬱沉兮，孰敢卽問乎津涯。發疾叫于咽噎兮，衆披靡而莫支。夫冶倡之狐惑兮，豈不足於內揆。顧西子之蓬垢兮，益返忌乎醜夷。惟前聖之無悶兮，老氏亦貴夫知希。顧涼薄之多懲兮，猶慷慨而尙辭。余固將去此而無悔兮，念夫子之與我日進。余以不及兮，又證余以其可。余嘗究往來之爲道兮，論因革之爲權。莫或知其瓠落兮，子獨謂其固然。庶久要以自輔兮，克有聞以時行。忽先我而南驚兮，始若爲乎余情。迺歌以送之曰：長江渾渾兮，春汎綠波。白日耿耿兮，擊楫爲歌。天薄我賦兮，非以病我于嗟兮。昔之盛者何其多。

古劍賦

吳季有劍古所服兮先時利行後伏匿兮歷世十百神物來兮精英  
上浮久乃識兮截截庚庚玉理仄兮質化光泯黝正黑兮匡視白日  
澹斂色兮燧人司金石水泐兮終古不磨奇雄特兮勿褻勿試靈具  
戒兮鬼目睽睽頭鬢鬢兮竊擬窺之自造慝兮靈怒殛女不女貸兮  
神宮無人帝湛默兮季冠如山采衣翼兮長身好脩又正直兮稱是  
容佩有加飾兮魚室珠襍雜文織兮虞于帝傍順降陟兮握奇中運  
授神職兮旋陽制陰物不忒兮辟却百非五兵息兮大宰不闕完以  
為德兮變窮于傳填無極兮

畫枯木賦

夫誰畫此枯樹兮臨不食之散泉既偃蹇又嚙食兮骨岸岸以弗妍  
想執筆以極思忽機釋而神旋遺衆壤於斲有勒不毀之所全或墜  
去於斤運或石泐於溜穿淪無雨以如晦恍非規而能圓澹黝乎其  
既失旋蒼然而在前命以物而不可孰春秋而論年噫吁嘻被草以  
毛膏慮用丹皆為流眩頤常注次獨何為托寂寞於無意而刻畫其  
不傳

木齋賦

奎章閣藝文監秀才方積昔在匡廬讀書羣木之間謂之木齋余愛

其高秀而賦之其辭曰

夫何碑矧以嵯峨兮據積水而鬱盤有梗楠與豫章兮翳松柏之丸  
丸攬芳草之盈庭兮聽呦呦之鳴鹿濯余纓於滄浪兮沐余髮乎飛  
瀑余潔清以有待兮歎望之而彌高絳余驂以弗馳兮氣懸薄而心  
勞感春物之芳菲兮又晚實之不食更千歲其未已兮退自脩乎茲  
室

操

思魯琴操

龜山之陰陰兮有雲垂天河目而海口兮將見其人望之彌尊兮卽  
之彌親大音寥寥兮中信而真

芝亭永言

古詩四言

味經堂詩原序

國子祭酒魯公伯子翬父作味經堂自爲記以勗其子遠公嘗命  
遠從子遊故賦此詩

維昔玄聖有子過庭學禮學詩詔之丁寧面牆之室絲不知味親能  
使學不能使嗜觀于德容聽于德音詠歌周旋實悅我心邈乎千載



聖往言在舍而不求匪罔斯殆畏友輩父窮經篤行既有諸躬思貽厥成既蓄既畚俾稼之食既收既漁俾鼎之實作堂高明曰子遠來吾經在茲遠其味之始子虛羸匍匐來食茹草飲水以禦朝夕窮人得歸自我父師俛焉斯文老至不知煌煌靈芝如彼嘉玉薄言采之在彼中谷南陽之人來詹來言君子豈弟宜其後昆

題宋誠甫侍郎垂綸亭

岷源建高駛無游舫漢會其委安流滔滔爰有君子垂綸其下雖不得魚意甚閒暇援藟引楫至于中沱蔭樹以休悠悠永歌逝波云云不轉維石樂茲忘憂矢言不食烝然雲興風舉以高馳翔中天遺景九皋水其落矣魚亦潛渚睽言夙好除于風雨風吹衣裳彼爲栖栖行吟望子實勞我思山有榛栗河有鯉鯉豈其飲泉必泠之美君子冠純秩秩大經洞有清酌可以濯纓

高彥敬青山白雲圖

兩崖之間曾不容剏白雲悠悠與山俱高

趙忠簡公祠堂詩

皇元至順三年春解州聞喜縣學用禮部符祠其鄉先生故宋丞相趙忠簡公公六世孫國子博士質翁求虞集作迎送神詩



山河邈悠宗國爲虛騎箕來歸懷此故都鳴梟在樹飢鱷在渚闕宮  
不存公食無所董澤之陂有蒲與荷子孫具來式燕以歌瞻彼洛矣  
其水泱泱斯文在茲俾也可忘

秦檜旣貶趙公於海南隨使人逼殺之公臨終從所寓寺僧索  
素帛一方書其上云身騎箕尾歸天上氣作山河壯本朝以付  
寺僧而絕聞喜之董澤公鄉也

賦衛節婦王夫人

汎汎淇水岸有佳竹閨門嚴嚴樂爾貞獨泛泛淇流岸有松舟閨門  
閒閒樂爾貞幽汎汎淇右有堂孔阜娟娟貞幽肅肅眉壽淇原有泉  
可濯可沿亨鬻勺尊樂爾高年高年樂止亦有孫子式歌衛風以告  
國史

題學易齋 其人將詣孔陵

惟學易君子慎其齋居動息有存起處是於奇耦玩畫方員視圖畫  
循靜始夜根動初罔不在中日居月諸乃秉元化以時盈虛其惟玄  
聖啓我後愚載瞻巍巍魯陵鬱如

古詩五言

諼草生竹間

護草生竹間翠色相綢繆美人欣有託君子故忘憂昔聞有鳴鳳飲  
水來丹丘不食衆木實樂只淇園秋

高竹臨水上

高竹臨水上幽花在崖陰以彼貞女姿當此君子心春陽不自媚夕  
露忽已深湘妃昔鼓瑟悵望蒼梧岑

月出古城東

月出古城東海氣浮空濛車騎各已息宮闕何穹窿牧馬草上露吹  
笳沙際風帳中忽聞鴈傳令鼓雕弓

書上京國子監壁

神京極高寒幽居了晨夜雷風無時發靈雨每飄灑炎光不到地蕭  
爽度長夏大化漠無宰豈必事陶冶楊雄不曉事守道栖栖者玄經  
百無徵白髮謾盈把

至治壬戌八月十五日榆林對月

日落次榆林東望待月出大星何煜煜芒角在昂畢草樹風不起蛩  
蝓絕啁啾天高露如霜客子衣盡白羸驂齷齪餘棧嫠婦泣幽室行吟  
毛骨寒坐見河漢沒驛人告晨征矻矻曉光發

憶三十年前與元復初參政同賦秋日梨花元有句云朝

食葉底梨莫看枝上花而忘其後句因續之云  
朝食葉底梨莫看枝上花花開食實後霜風振長柯遠水良可鑒彩  
雲亦易過念爾白於雪日莫當如何

李老谷

十轉山崦交九度沙磧溜始辭平漠曠少接山木秀老病畏行役慰  
藉得良觀秋嶺晚更妍寒花晝如繡故園夫如何朝陽炫霜柚

泰定甲子上京有感次韻馬伯庸待制

翰音迎日轂儀羽集雲路寂寞就書閣老大長郎署爲山望成岑織  
錦待盈度我行起視夜星漢非故處

賦水木清華亭

中流泛蘭柁望彼嘉樹林落日蕩野水浮雲生夕陰游魚戀芳藻好  
鳥鳴幽岑爲樂恐易老吾將脫朝簪

天曆戊辰前續詠貧士一首

目昏畏附火枯坐寒窗中破褐著絮重虛豆兼冰崇病骨於此時浮  
屠屹撐空呼兒檢餘曆計日待春風雖欣解凍近翻驚紀年窮貰酒  
欲自廣無錢似陶翁

又一首答舍弟見和

蜀侯昔懼憂嶺海萬死中詩書庶不泯焉思祿位崇爾來五十年所以四壁空涉世惟信道卓然立頽風漫仕非我能偶貧豈人窮深耕定有穫歸嘆兩衰翁

後續詠貧士四首

老骨寒不寐夜長况聞風心悸危欲折跼踏敗絮中鷄鳴當晨餐馬疥芻不充山童衣百鷄喚之愧匆匆求火掃木葉庭樹亦已空決起不敢怠曙光屋南東苟遂牛馬性歸放春草豐

歸蜀越關隴棧閣危登天適越河濟隔堰水丈尺閒飢寒迫旦暮舟車計茫然東家有一隻欲去初不言早朝聽詔畢喚馬闐闐前童奴受宿戒向暖爭相先聞之嗔兒子我何爲汝牽履無千金賈吾足安暇憐

爲政貴察色讀書在研覃司視旣不明兩者無一堪尙不遑吏責爲師固宜慚聖世無棄物况茲久朝簪決去豈我志知止亦所諳頗聞南山下菊根浸寒潭濯餌千日期冰臚復清涵老馬果識道更服鹽

車驂

天風夕號怒霜日殊清妍探架得古書前日手所編奈何視茫茫字若萬蟻緣精意成寂寞惆悵還棄捐於惟仲尼衰清夢不復然小子

未聞道何以卒歲年

觀花有感

掛巾花樹枝酌酒花樹下風吹巾上塵花落手中學清唱起相壽毋  
遽且聊暇流光急去人莫怪秉燭者

赤城館

雷起龍門山雨灑赤城觀蕭騷山木高浩蕩塵路斷魚龍喜新波燕  
雀集虛幔開戶微風興倚杖衆雲散

同閣學士賦金鴨燒香

黃金鑄爲鴨焚蘭夕殿中窈窕轉斜月逶迤動微風綺席列珠樹華  
鐙連玉虹無眠待顧問不知清夜終

退直同柯敬仲博士賦

月下白玉階露生黃金井疎條栖鶻鵲寒蕙流螢冷戀闕感時康懷  
歸覺宵永晨鐘禁中來白髮聊自整

送良上人賦得井上桐

桐陰秋轉薄井氣曉爲霜交柯舞幽鏡墮葉響鳴璫高巢翠羽下澄  
水玉蚪藏上人從定出行吟繞石床

送吳子高



懷寶獻京國悼亡還獨歸日落雲中樹風吹江上衣湘靈瑟在席織  
女石支機遠道多寂寞強飯勿相違

于仲元舍賦紅梅

白雪不成夜丹霞遂崇朝妙質承日映飛英向風飄醉來紅袖近歌  
罷綵雲消揚州問何遜何似董嬌嬈

寄題新冶亭

窈窕冶亭莫蕭條江南秋泛覽山河外張樂鳳皇丘公子飛翠蓋美  
人回綵舟從茲至黃髮樂哉以忘憂

題儋耳東坡載酒堂

翳翳儋耳城歷歷桄榔樹百年遺故丘新堂設賓阼清風海上至朝  
陽在庭戶丹山五色鳳覽德屢來顧甘辛熟桂酒羅列雜蘋蘩苜蓿  
多孫子食飲祭先具蛟龍波浪深歸來風雨遽

鑿井得甘泉渴者恆自私流潤不擇地委順復何疑海南絕風雨水  
木况華滋隣舍解讀書諸生還誦詩何必懷故鄉聊樂宜在茲星河  
度白鶴山月懸蛾眉來晚去何速勞人千載思

盜發亞父塚

彭城有盜識寶氣於亞父塚上發之得一劍

云



盜發亞父塚寶劍寶累之塚開寶氣盡獄吏書盜辭盜言惟見寶寧  
知亞父誰項王不寶善弟子遂輿尸黃腸下深錮千歲復何爲大河  
繞城東落日耀城西過客立城下踟躕望安期

應制題王拙畫吳王納涼圖

雨過太湖上風生響屨廊紅綃拂几席白紵製衣裳朱光淪厚地明  
月在高堂何以保玉體長年樂未央

步虛詞四首

步虛長松下流響白雲間華星列燿火明月懸珮環肅然降靈氣穆  
若愉妙顏竹宮愴清夜望拜久乃還

稽首望太霞離羅間層霄紈縵結冲氣要眇出空謠前參千景精後  
引務猷輶攝衣上白鶴招搖事晨朝

朱光出東海高臺迎赫曦六龍獻陽燧九鳳保金支鍊丹軒轅鼎濯  
景岷崙池拜賜冰玉佩玄洲共遨嬉

學仙淮南王問道劉更生三年鍊神丹九載凌上清日月作環珮雲  
霓爲旒旌回首召司命靈雨灑蓬瀛

題商學士畫

方士好服食商山多紫芝采之長松下濯以清澗漪蒼涼百里內秦

皇都不知駕舟載男女築宮東海涯

贈藝監小吏

廣術何迢迢榆槐蔭蔽之鼓鍾晨莫起車馬中間馳此有嫠居者閉  
戶教孤兒十歲學文史十五從吏師丹青出天性落筆有令姿藝監  
取材伎小大無一遺署兒筦庫下祿薄不足爲手持一束書求以慰  
母思告兒勿薄吏公卿出自茲請看孟氏里軻母自有祠

記子昂畫

春風動蘭葉庭戶光陸離言收竹上露石角掛練衣車行不擇路茅  
苴何楚楚游子憺忘歸徘徊歲云莫

送西臺治書仇公哲

陝郊得時雨生意始來復存者事稼穡還者葺牆屋安知凋瘵餘政  
可致新福闢除正廣術區井表深瀆均齊定恆志忠厚保敦篤豈無  
憂世士受仕在芻牧爲義苦多違好名常不足治書肅將指善類庶  
有勗

送張道士歸上清

白雲盱水上自古多仙人手攜綠玉杖頭戴白綸巾袖中出風雨天  
上禮星辰歸來庭戶靜芳章自生春

日出行

日出上城府日莫當蚤歸城門已擊柝出郭何焉依下馬投館人空  
垣月當扉涼風振庭樹巢鳥屢驚飛起坐搔白髮忽如霜草稀周公  
不復夢仲尼故沾衣老萊有孺色傳聞惟食薇求之事已晚徘徊行  
道微

贈治冠者

車馬入隘巷言尋治冠師反關不受客高坐哦書詩布衣不掩脛晝  
食甘藿藜冠成動經歲不售亦不辭我少好文章把筆無不爲愧爾  
爰寂寞慎與當自茲

贈寫真修士明

修郎居上京閱人如風花拈筆寫其似千歲留英華邇來七十年將  
相紛在目來者有如此往者那可續昔我初北遊面白鬢如鴉點染  
煩粉墨華星暎丹霞今如雪中松苦硬雜蒼白却視當年容邈如不  
相識不識當如何臨風且長歌黃雲接河漢白雪漫坡陀乞身願歸  
老吳蜀山總好贈君千黛螺翠色秋可掃

寄陳衆仲助教上都作

學省足清晝詞垣驚蚤秋美人隔河漢落月在高樓持衣未成曲吹

笛不勝愁還趁鳩鵲觀別製鷓鴣裘

贈鐵菴道者二首

昔遊雲臺觀山色上衣青松花春雨落柳葉秋露零飢來煮白石睡  
起看黃庭人間忽已老莫問少微星  
海上別妻子山中求茯苓白虎戲玄渚蒼龍護黃局燒香招五老行  
廚庖六丁從子似非遠丹霞粲華星

題商德符華山圖

昔祠雲臺館行穿御階柏夕陰嵐氣深重碧照行客獨訪張超谷漸  
覺巖險迫冰生玉井頭日射仙掌側豈無鐵鎖懸翻身若飛鷲恐煩  
華陰令不奈昌黎伯王事况有程車馬何忽忽流觀終南山周覽天  
府國爾來十七年欲往不再得山河想邈悠傷殘轉蕭索摩挲商老  
圖彷彿希夷宅高哉蓮華峯白雲澹秋色

寄幻庵主者

朝遊武夷麓莫入匡廬岑放舟臨野水采藥過幽林清泉磨寶劍磐  
石鼓瑤琴臘月歸溪上還作蚤春吟

賦茅山道士雲松巢

昔年李太白廬山思結巢蹇雲自天上和鶴止松梢道士潘閒遠高

居古大茅誦經門臥虎看劍石眠蛟飛步脫鳧鳥長吟吹鳳匏九江攬秀色許爾作神交

酬上清道士鈔陰何詩

殘雪松上落輕冰硯裏生寫詩過夜半欹枕又天明少陵愛何遜太白似陰鏗不愁勞弱翰亦足助高情

題李漑之學士白雲半間

山中多白雲何由到城邑招之恐不來欲攬遽無迹栖檐候晨光納牖作秋色用冲不爲盈常住寧若客分張任蒼松散落還白石日照香爐峯月射仙掌側有恩封一鄉與子當共食

題浴日觀

煌煌赤老烏三浴乃出海波濤始晃濺宇宙破冥昧西登泰華顛東望方丈外稽首希夷翁今晨良慶會

爲范尊師賦雲林清遊

大茅千仞下結屋三四楹雲林戶牖潤鶴去海天平坐上發長嘯人間聞玉笙斲苓春霧重煑尤晚烟輕綠室噓丹氣蒼崖受日精樵遺伐木斧真降引霓旌九鼎金還就千齡樹不傾問誰解居此云是范長生



吹笛圖

白雲悠悠去長松披高丘匡坐吹笛人似是馬督郵飛鴻遺哀響幽泉發春流女樂亦何有逍遙以忘憂

送甘以禮調官歸鄉

甘君有良材於政無不宜白頭郡縣下尚覺非所施奈何筦庫冗而可絀吏師豈直名吏師積學本書詩高情抗浮雲廉節濯清漪君子安所遇固無喜愠辭嗟我忝從官簪筆恆殿帷竟無國士薦徒稱故舊知晚歲向田里藜杖相追隨尊酒以怡老未為負明時

送李彥方閩憲原序

文監李公彥方出貳閩憲同朝羣公皆賦詩以為贈彥方屢擢臺職激揚之宜有不待予言者適有一事深有感於愚衷先正魯國許文正公實表章程朱之學以佐至元之治天下人心風俗之所係不可誣也近日晚學小子不肯細心讀書窮理妄引陸子靜之說以自欺自棄至欲移易論語章句直斥程朱之說為非此亦非有見於陸氏者也特以文其猖狂不學以欺人而已此在王制之必不容者也閩中自中立之歸已有道南之歎仲素愿中至于元晦端緒明白皆在閩中不能不於彥方之行發之去一賊吏治一



弊政不如此一事有以正人心儒者之能事也集臥病目眚尤甚  
援筆書此云

七閩去天遠顛連苦無告牧人受深寄昧者覆爲暴犀象雜金貝饑  
渴劇飶膏大言相鄙夷饜奪心自狡豈無循廉吏實病黑白撓聰明  
屬旒黈聽瑩資所到李侯金閩彥圖史擅離校晨聞大夫奏夕理武  
夷棹君子慎修職寧適豐廩稍蕉荔甘多毒薑桂老堪芼所懷延平  
翁揚休似明道授受有源委精微足深討言立聖如在表正愚可造  
師匠久不興真妄如朽鑿云何誚支離肆誕長兇傲異言古所誅末  
學足深悼閩雖在海隅前聞此淵奧正誼從簡編良俗宜善導贈言  
不及它持此永爲好

題鄭秀才隱居

陶翁昔好菊荒徑不暇鋤素琴初無絃名酒亦屢虛雖有五男子俱  
不解讀書淒涼千載下高名將焉如不如鬼谷洞鄭子樂有餘種菊  
以爲田田中更爲廬善藥不二價詠觴送居諸有興揮五絃涼風在  
庭除時來青田鶴亦出濠梁魚昨者遊京師侯門曳華裾捧檄忽一  
喜翩然告歸與芳蒲采甘露玉漿釀清醕老父坐堂上稚子具籃輿  
晨遊南山陞暮濯清水渠席間撫猗蘭房中詠關雎以此得高壽何

必南陽居

題朱邱竹木

猗猗淇園竹結根磐石安枝幹相扶持風雨不可干其實鳳所食君子思保完恆恐聲影疏蕭條霜露寒金玉慎高節千載承清歡

詠史

軒后貌已遠漢武亦雄哉荒忽九州外百年過煙埃變化庶長久臨海築層臺黃金靡鏤飾喬林摧長材樂通竟先死孫卿殊未回不知作者意空令來者哀奉盤泣繁露馳道殷奔雷志氣昔所在風雲恆往來

畫古木

荒郊臥蒼苔蛟龍在其上不知風雨來垂影一千丈後主撥鐙法江南久寂寥空令沒骨畫容易媚中朝

賦蘇伯脩滋溪書堂

滋源恆伏流春雨川乃盈林疇廣敷潤草木俱繁榮臨深見遊儵仰喬有鳴鶯君子樂在斯齋居托令名積學抱沉默時至有攸行抽簡魯史存采詩商頌并禹穴追馬公湘江歌屈生紉蘭不盈握伐木有餘情浩然欲浮海歸興還濯清方舟我爲楫白髮愧垂纓

題薛外史瓊林臺

高臺積方石瓊林樹交柯晨光眩白雪夕景纏紫蘿每聞樵子唱恐是仙人過塵世在足下豈能聞笑歌過海祇騎鶴開池還養鵝外史政瀟灑太白焉足多

送張兵部孟功巡河分題得屋上烏

花發上陽春門開未央曙城柝起羣栖流光散朝羽息影頻近檐結巢願當戶

題彭澤陶氏家譜

百甓在戶外五柳當門前燕去王謝宅人依墟里煙迷德尚千載人情猶昔年以安遺子孫高哉爲世賢

道園學古錄卷之一



道園學古錄卷之二

在朝藁二

雍虞集伯生

芝亭永言

古詩七言

賦洛川老人九十

洛川老人年九十鬚眉如畫身玉立錦袍金帶方烏巾手挽強弓無  
決拾八月平原秋氣高聞有狡獸依蓬蒿清晨上馬薄暮返累騎毛  
血懸鞵囊身是前朝將家子生逢太平百無事都將英氣化高年何  
物小兒堪指使太守上言朝有恩束帛養牛兼上尊洛川老人過百  
歲擊壤為歌傳子孫

張令鹿門圖

張侯襄陽人深知襄陽樂十年宦學懷襄陽故托豪縑寫山郭老我  
不樂思蜀都人言嵩陽好隱居二十六峯常對面水竹田廬還可圖  
欲往不能心懍懍忽見新圖被山惱沙禽浦樹俱可人金澗石床為  
誰好向來耆舊皆英雄駕言從之道焉從弄珠月冷識遊女沉劍潭  
深知臥龍八月霜晴水清淺聞道扁舟足迴轉何時古寺傍檀溪幾  
處殘碑在江峴呼鷹臺高秋草多養魚池中蓮芡波蜀嵩未必不如  
道園學古錄 卷之一 中華書局聚



此我今不遊奈老何張侯張侯蚤結屋莫待史詹爲君卜要看壠上  
課兒耕好在魚梁白沙曲

子昂畫馬

憶昔從公侍書殿天閑過目如飛電池邊儘有吮豪人神駿誰能誇  
獨擅公今騎鯨隘九州人間空復看驊騮惟應馭氣可相逐黃竹雪  
深千萬秋

湛湛行

湛湛天宇玄以黝星白如銀垂近人牛羊散漫草多露大帳中野傍  
無隣去年八月羽書急婦女上馬小兒泣今年八月天子來身屬橐  
鞬月中立

家兄孟脩父輸賦南還

大兄五月來作客八年不見頭總白五人兄弟四人在每憶中郎淚  
沾臆我家蜀西忠孝門無田無宅惟書存兄雖筦庫實父蔭弟竊微  
祿承君恩文章不如仲氏好叔氏最少今亦老五郎十歲未知學嗟  
我何爲長遠道諸兒讀書俱不多又不力耕知奈何憂來每得二三  
友看花把酒臨風哦蜀山嵯峨歸未得盤盤先壠臨川側碧梧翠竹  
手所移應與青松各千尺南風吹雪河始冰兄歸烏帽成成都城明年



乞身向

天子共讀父書歌太平

子昂墨竹

吳興畫竹不欲工腕指所至生秋風古來篆籀法已絕止有木葉雕  
蠶蟲黃金錯刀交屈鐵大陰作雨山石裂蛟龍起陸真宰愁雲暗蒼  
梧泣湘血吳興之竹乃非竹吳興昔年面如玉波濤浩蕩江海空落  
月年年照秋屋

商德符畫幽篁古木

湘君宮在洞庭湖幽篁古木龍所都石壇雨長碧苔蘚水屋風動青  
珊瑚老人欹枕看螻蟻嫠婦停舟聽鷓鴣江南蜀道問來往商公商  
公今有無

吳郡陸友仁得白玉方印其文曰衛青臨川王順伯定以  
爲漢物求賦此詩

將軍騎從公主時豈意刻玉爲名章珠襦已隨黃土化此物還同金  
鴈翔軍中只識長平侯西風木葉茂陵秋人生卑微何可忽碌碌姓  
名誰見收

爲達兼善御史題墨竹

蜀道荒涼多古木，篔簹千尺相因依。小年慣見今白髮，杜宇夜啼愁不歸。老可嘗作陵川守，古墨蛟龍多入手。春雷每恐破壁去，神鼎空令夔魅走。丹丘越人不到蜀，倚葉何以能縱橫。內府人家爛熳寫，使可見之心亦驚。江南御史龍頭客，暫別那能不相憶。知君深識篆籀文，故作寒泉溜崖石。

畫鶴

薛公少保昔畫鶴，毛羽蕭條向寥廓。通泉縣壁久微茫，故物都非况城郭。長鳴闊步貌閒暇，解寫高情亦奇作。田中芝草日應長，石上松花晚猶落。赤壁江深孤月小，白雲野迥秋霄薄。羣帝相從絳節朝，八公許製黃金藥。誤嬰塵網跡易迷，移召中州夢如昨。借懸素壁憶真侶，忽有微風動林壑。碧虛寥寥積雪高，直過蕭臺絕栖泊。

題畫

棠梨生竹間，牽牛引蔓相因依。晨華墜露天水碧，斷蘚絡石爛斑衣。鷓鴣踏枝歲將莫，蟋蟀在戶人當歸。蕭條落墨人間稀，蕭條落墨人間稀。

寫廬山圖上

憶昔繫舡桑落洲，洲前五老當船頭。風吹雲氣彌谷起，霜墮楓葉令

人愁高人祇在第九疊大白一去三千秋石橋二客如有待裹茶試  
泉春岩幽

題旦景初僉司畫

旦公山堂城東南畫圖古檜何甍甍城中無山有山癖直藉毫墨窮  
幽探旦公彈琴古檜下鬱鬱窗戶生晴嵐春雨時來鶴鳴谷秋聲夜  
作龍吟潭 先皇晝坐羣玉府內使趣召飛雙驂畢宏韋偃出中祕  
營丘北苑開縢緘是時旦公主舒卷一二文士相交參旦公歸來坐  
成想亦頗拈筆爲榎楠伯熙奉 詔每有作礪礪相並將無慚嗟予  
懷歸亦已久摩挲老目百不堪山中豈乏真偃蹇可容白髮抽朝簪

題柯敬仲畫

予先世居隆州州治之後山石室翁守郡時隆爲陵州州事簡時  
來就吾家拾故紙背作茅蘭竹木之屬所得頗多吾幼時尚收得  
數紙今亦亡之丹丘生用文法作竹木而坡石過之近又以新意  
作墨花甚妙從子悅有眉山學官之行丘爲作此予愛而賦之

昔者老可守陵州守居北山吾故丘太守時來看山雨每畫紙背成  
滄洲老蒲松煙色過重揮霍陰崖交劍矛百年離亂亡故物敝篋江  
南誰復收新圖篋管枝葉脩使我不樂思昔侯碧雞祠前杜鵑叫玉

女井上叢篁幽棠梨樹高青子落碧花翠蔓縈牽牛楊雄無家不歸  
老蠨蛸蟋蟀寒相求丹丘先生東海客何由見我空山秋蕭條破墨  
作清潤殘質刊落精英留陂陁重複分細草山石縈紆生亂流眉山  
學官莫厭冷言歸故鄉非遠遊石田茅屋倘可得萬里欲上東吳舟  
百花潭深濯新錦持報以比珊瑚鉤

白翎雀歌

烏桓城下白翎雀雌雄相呼以爲樂平沙無樹托營巢八月雪深黃  
草薄君不見舊時飛燕在昭陽沉沉宮殿鎖鴛鴦夫容露冷秋宵永  
芍藥風暄春晝長

敬仲畫扇

松根伏苓如石髓服食令人壽千歲子欲求之觀此圖老身偃蹇枝  
扶踈長鑱篝火新雨霽羽人丹丘期不至却剪蒼簷崖石間吹作龍  
吟秋滿山

題簡生畫澗松

簡生與我皆蜀人留滯東南凡幾春每拂齊紈作山水使我感慨懷  
峨岷如此長身兩松樹滿谷悲風散陰霧雌雄如劍變爲龍鱗鬣齊  
成擘崖去秘閣嘗觀韋偃圖蒼潤雄深世所無默識形神出模畫把

筆莽蒼增嗟吁玉堂寶書本同館官府既分難復見摩挲新墨慰衰  
朽鬢雪飄蕭數開卷昔我樵牧青城山坐起政在雙樹間當時簡生  
若相見應并寫此聽潺湲劉郎集賢好賓客好著幽窗對晴碧凌雲  
爲我哦七言有鶴飛來破秋色

題李受益承旨作東平章萬戶繼志堂後

將軍腰間黃金符父兄功成百戰餘太平不復事弓馬秋雨高堂聞  
讀書門有喬松墓有草永言思之願終保幙中賓客誰屬文東魯儒  
生國元老

題柯博士畫

磯頭風急潮水長蒹葭蒼蒼繫魚榜青山一髮是江南白頭不歸神  
獨往幽篁繞屋茅覆簷木葉脫落秋滿簾買魚沽酒待明月定是黃  
州蘇子瞻子瞻文章世希有謫向江波動星斗夜投斷岸發清嘯栖  
鶻驚飛怒蛟吼圖中風景偶相似欣然揮洒春雲開子瞻應是念鄉  
里還化江東孤鶴來

題高彥敬尙書趙子昂承旨共畫一軸爲戶部楊侍郎作

不見湖州三百年高公尙書生古燕西湖醉歸寫古木吳興爲補幽  
篁妍國朝名筆誰第一尙書醉後妙無敵老蛟欲起風雨來星墮天



河化爲石趙公自是真天人獨與尙書情最親高懷古誼兩相得慘  
淡酬酢皆天真侍郎得此自京國使我觀之三歎息今人何必非古  
人淪落文章付陳迹

題灤陽胡氏雪溪卷原序

去年予與侍御史馬公同被召出居庸未盡東折入馬家甕望縉  
山度龍門百折之水登色澤嶺過黑谷至于沙嶺乃還道中奇峯  
秀石雜以嘉木香草黃鳥皆有聲予二人按轡徐行相謂頗似越  
中但非扁舟耳適雨過流潦如奔泉則亦不甚相遠郭熙畫記言  
畫山水數百里間必有精神聚處乃足記散地不足書此曲折有  
可觀恨不令郭生見之灤陽胡太祝乃以雪溪自號豈所見與予  
二人同乎然灤水未秋冰已堅尋常已不可舟况雪時耶當具溪  
意云耳因爲賦詩云

積雪平沙陰山道射虎殘年不知老豈識船如天上坐翠竹爲帷樹  
爲葆昔乞鏡湖苦不早白髮如絲照清潦它年此地若相逢應著漁  
簑脫貂帽

題楊友直檢校所藏李營丘枯木圖

老龍出海蒼鬚營丘枯木天下無回枝屈鐵墮崖雪澗底應拾青



珊瑚明堂清廟要梁棟朔風吹沙澤腹凍老身不用嘆遲莫按圖來  
求萬鈞重

題詹圃老梅圖

鄉人共識古梅樹移植詹亭仍百年計時當生宣政前僻遠幸遺花  
石船昔僑寶唐尋故物石樓嵯峨白沙白陵陽慈竹樂公移根節相  
扶俱遠客此樹乃在隣邑間看花食實真足閒人言支離故多壽我  
意培植茲惟艱華蓋高人世師表爲爾賦詩歌窈窕詹家孫子多讀  
書早晚春雷化龍矯

酬蕭侯送蒲萄

蕭侯昔致蒲萄苗山童不灌三日焦苑西上品復親致手種窗南自  
澆水一月當生一尺長移向江頭薛荔牆秋深雨足馬乳重舉囊石  
壓青霞漿是時蕭侯當走馬來訪衰翁茅屋下酒酣舞劍傾一尊不  
信金盤露如瀉

題袞塵騮圖

驂騮食粟石每旣立仗歸來汗如洗脫羈展轉聊自恣落花塵土隨  
身起君不見春雷起蟄龍欠伸霧擁雲蒸九河水

律詩五言

林皋亭

九月天氣肅鶴鳴在林陰使君甚好客來者總能吟紅樹秋山近黃  
華夕露深隣翁八九十有酒卽相尋

題子昂長江疊嶂圖

昔者長江險能生白髮哀百年經濟盡一日畫圖開僧寺依稀在漁  
舟浩蕩回蕭條數根樹時有海潮來

挽胡伯恭令尹二首

二十南陵簿才名舅氏同千金劍客散一棹酒船空朱紱稱循吏安  
輿已病翁神明盡今日嘆惋漫羣公

病起思歸日齋居臥治時抱孫方在膝反席遽如遺江路牽愁遠坊  
門望到遲遙憐賢弟哭未忍老親知

題雪谷曉行圖

踏雪度嶙峋霜髯跨玉麟前瞻那有際後至豈無人松樹紛紛老梅  
花的的春金烏海底出遍界爛如銀

送先隴二鄰僧還吳二首

蘭若背山陰松筠夾逕深門閒容虎臥湖近聽龍吟雨過泉添澗風  
飄磬出林衲衣皆舊識一一謝幽岑

東崦憶招提，幽尋日未西。過山隨虎跡，倚石待猿啼。雲外催歸錫，松間覓舊題。卜隣吾欲老，毋惜伴扶藜。

節婦王夫人劉氏

憶昔中丞在，清淳古道存。節高賢女弟，文托外諸孫。慈竹宜家慶，桓楹表國恩。燕秦鬱相望，美俗繫人門。

次韻阿榮存初參議秋夜見寄

寓館城門夕，高秋雨露開。天垂華蓋近，月轉紫垣來。疏闊思良會，淹留到不才。深期謝安石，揮麈散風埃。

雪谷早行

積雪擁柴門，行人稍出村。溪頭或遇虎，木末不聞猿。接棧迴山閣，支橋就樹根。駟車上重坂，回首見朝暾。

雪岩樓觀

高閣丹青起，中天紫翠分。窗當大白雪，門俯九疑雲。伐木山人去，吹簫帝子聞。塵中歸未得，春思轉紛紛。

送人之劍閣倅

往年登劍閣，快馬著春衫。設險懷前代，磨崖覓舊劄。鄉人遊雪界，郡倅試冰銜。歸道觀新政，春江不掛帆。

寄子山尚書

竹色侵衣碧重簾  
雨氣深白鵝翻墨  
沼紫燕入書林  
北海春尊側  
西山夕閣陰  
東曹公事少  
歌舞散黃金

漫興

雨閣添衣潤風簾  
隱几高白頭  
更事少病目  
向書勞南客  
傳鄉信東家  
問濁醪江邊  
茅屋破歸楫  
若爲操

送張尚德原序

史館薦張尚德爲檢閱官衆論以爲宜稱其可任未奏也有司以闕簿注新進士尚德頗有聞卽斂裳宵逝噫進退若是可以信史館之薦人矣予力雖不足以留之亦終不敢失之也故作是詩以餞之

六月初聞雨官河潦水生江南歸宋玉稷下謝荀卿  
鵬鶚青霄迥  
蒹葭白露盈  
好留詩興在來聽  
上林鸞

寄丁卯進士薩都刺天錫鎮江錄事宣差

江上新詩好亦知  
公事閒投壺  
深竹裏繫馬  
古松間夜月多  
臨海秋風或在山  
玉堂蕭爽地  
思爾佩珊瑚

送趙繼清令尹之官安陸

雲夢開七澤陪尾貫連山爲政煙塵表吟詩松竹間故人總華要令  
尹獨清閒文學偏宜老母愁鬢髮斑

明皇按樂圖

新度霓裳曲二年教得成驚鴻渾不下飛燕若爲輕芍藥春亭莫夫  
容野水生梨園多白髮吹笛到天明

送長沙守

白髮長沙守循良又好文近辭金馬去遠有玉魚分對竹聽湘雨開  
簾看嶽雲漢廷思賈誼一飯莫忘君

送趙編脩祀西嶽江瀆

西道祠官去東風入旆斜汾陰已歸鴈江上正飛花歲事聞宜穀鄉  
人喜過家老來思故里欲寄使君車

代衆仲作

昔在泉州住將軍每見招春雲山對屋夜雨水平橋池鴨穿荷葉溪  
魚上柳條禁城鐘鼓起車馬晚蕭蕭

題宋雲舉太常臨汾二節婦序後

許氏姪從姑相承患難餘自傷還自誓同志復同居白髮冰霜共丹  
心鐵石如有關名教重珍重太常書



送王照磨之官雲南

遺廟珍珠浦歸舟燮道溪飛鳶愁暑雨走馬畏山泥官署尊丹鷲祠  
官勝碧鷄題詩遠相送紅日五雲西

玉堂燕集圖

朝廷多暇日翰苑又青春薄醉猶催酒清歌况有人玉堂金硯匣翠  
袖白綸巾老去渾無賴憑誰爲寫真

寄答桂風子先生

深隱廬山裏題詩忽見存風高應跨虎月落更聽猿酒熟邀皆去丹  
成笑不言雲屏第九疊相與浴晨暾

寄莆田先生

懸榻塵生席深居晝下帷齊眉安饋食擁髻近歌姬藥裏須鍾乳書  
題憶荔枝白頭吟更苦何必蜀人思

鄭谷圖

道士徐太虛生紙畫山居林壑春煙裏桑麻夜雨餘過橋九節杖連  
屋一床書似是子真谷歸耕三月初

畫檜

茅山多古樹此檜更長生鸛鶴棲來穩蛟龍化得成雲深還近戶月



落似聞笙千載如相見蒼然故舊情

李員嶠墨竹

河東李學士隨意放洋州月落亭陰迥雲生谷口幽江濤空渺渺筆墨更悠悠瀟灑西清地令人憶舊遊

爲歐陽少監題宋好古竹

幕中能寫竹作此雨瀟湘出石根還瘦臨溪影更長班班稚子立一鳳雛將日有長安使平安問老蒼

贈楊友直

雒陽楊友直字擬漢中郎畫若錐穿石垂如雨漏牆舞花羞女美醉草笑僧狂昨日鴻都學煩君寫數行

題朱邱竹木

江上復春雨曾陰覆碧波石高龍影臥林迥鶴聲過解佩倚蘭浦揚旂落木坡佳人翠袖薄日莫欲如何

寄阿魯輩學士

問訊東泉老江南又五年涼風鳴步履明月棹歌船陪講長懷舊還朝獨後賢治平二三策蚤晚玉階前

赤壁圖

過鶴生新夢攜魚憶舊遊清霜凋木葉落月湧江流隱者時堪訪良田亦易求如何玉堂夜白髮不勝愁

題况肩吾縣令贈行卷

縣庭都禁謁祇許見諸生接壤皆興學遊民亦願耕絃歌居室迴山水畫圖清千載雲巖石能留令尹名

送朱萬初之廣東照磨

聖主多清暇臨池愛日長天章垂鳳彩雲氣動龍香進諫慚簪筆爭書敢近床承恩君最蚤服玉向炎方

八月八日有感題視草堂壁

載筆趨芸閣探囊索縕袍坐銷秋日淨心折夜風高識字頭先白謀生計轉勞文園多病渴常想賜蒲萄

賦程氏竹雨山房二首

春雨過山竹幽泉繞舍鳴燕泥書帙澆魚浪釣絲晴奉席從孫子連床總弟兄舊聞林下叟讀易到天明  
遊子聞春雨思親望故園竹間開几席花底注山尊累世書連屋頻年稻滿村卜鄰淳朴地絕學欲重論

戲作試問堂前石五首

試問堂前石來今幾十年衰顏空雨雪幽致自風煙微醉寒堪倚孤  
吟靜更眠五湖春水長誰繫釣魚船

爲問堂前石何年別太湖春風神不王夜月影長孤不中明堂柱空  
遺良嶽圖頗思嘉種木歲晚與相扶

爲問堂前石何無藤蔓纏金蓮疑可致紫菊若爲妍舊夢遺波浪間  
情閱歲年祇緣相識久親爲濯清泉

碣石久淪海女媧曾補天乾坤遺叢爾霧雨護蒼然淬劍龍隨化彎  
弓虎自全昔賢多賦此誰賦最流傳

爲問堂前石屢逢堂上人遠來嗟最久獨立與誰隣運載勞車馬摩  
挲識鳳麟鑾車書吉日追琢到嶙峋

代石答五首

幸自隣頑鄙毋煩問歲年當寒金作礪向暖玉生煙眉黛無歸意毛  
羣有叱眠涼州三百斛亦未酹觥船

昔觀一柱觀還度幾重湖雪盡身還瘦雲生勢不孤磨穿鄴臺瓦賦  
就草堂圖芝閣玄雲在危蹤敢藉扶

牛角何堪礪蝸涎漫自纏沉冥辟邪古羞澁望夫妍神物須清鑒靈  
根屬小年金輿曾共侍千載憶甘泉

轉徙寧論地存留亦信天  
露盤危欲折劫火不同然  
維下殘經斷岐陽數鼓全  
向無文字托寂寞竟誰傳  
去歲留詩別嗟哉白髮人  
冠依子夏製居切左丘隣  
執籥充振鷺脩辭綴獲麟  
終須愁坎壈勿用誚嶙峋

送魯子翬廉使之漢中

封上頌臺禮輕車入漢中  
節毛霑渭雨木葉動秦風  
把酒臺基古馳書歲事豐  
朝回倚西閣日日數歸鴻

立春夜試墨

輕雪作春花飛來入鬢斜  
紫貂迎曉霧絳蠟炫晴霞  
書詔頻趨閣思歸卽借車  
幾時將稚子隨意踏江沙

蜀人曲江之官贈以墨竹

拈筆寫琅玕清風入室寒  
蜀山空偃蹇海郡更盤桓  
雲霧瓊簫遠冰霜玉節完  
莫忘鄉里意持向曲江看

正月十一日朝回卽事

宮柱春陰合霓旌拂曙來  
天光臨閣道雲氣轉蓬萊  
晝漏沉沉鼓晨尊灑灑盃  
香霏簾底霧樂殷殿前雷  
祥瑞儀曹奏珍淳尙食催  
舞庭分鷺序效獻過龍媒  
融雪微生草輕風不動埃  
老人南極至王母上

方回玉色何多喜金華得重陪裁詩賀新雨西閣待門開

贈別兵部崔郎中暨還高麗卽回中朝

束髮來東海從軍護北門珠光連旭景玉氣達春溫淵靜龍含德門  
巖虎列屯從容參幄帳慨慷屬綬鞬拜表推黎獻趨朝謁至尊雲依  
溫室樹星入紫微垣不道璠璣貴仍嬰篋庫煩利行雖近市義守不  
窺園眷遇忘身得危難欲手援懷邦維父母於國實甥婚異國還羈  
勒中涓致璧餼魯連名竟重箕子教應存簡在從當日扶持備宿藩  
清宮風肅肅驂乘火焯焯帝所爲郎重王家報禮醇暫伸桑梓敬未  
愛李桃繁神闕秋期蚤康侯晝錫蕃九成思閣鳳六月待冥鷗

次韻筠軒司徒足成旦公所藏

英宗御題之句元題曰日光照吾民月色清我心又題琴

曰至治之音

化國多長日高人侍紫宸觀書從上相屬筆念生民雲漢文章備風  
雷號令新惟應青簡在能載古風淳御翰龍池曉繙經驚殿陰雲依  
清靜葉月印妙明心千載堂堂去諸天肅肅臨朱絃誰爲鼓至治有  
遺音

次韻李侍讀東平王哀詩



宇宙生奇變明良陷逆圖傳聞昏白晝悲憤結全區治極機潛否恩  
深事失謨犯車仍斷軌壞戶竟傷樞魑魅嫌明鏡強梁忌雅模甘心  
成首禍藉口肆羣諛隱忍危衝決憑陵善唯愈自天倏鈇鉞累月具  
篋壺裹革疑亡地招魂競出都笳鳴殘夕月馬僨四交衢所痛倉皇  
際將无古昔殊腹心何蠱蝕肘腋不支梧列位多翹楚干城總豹羆  
詎言歸厄數不復頌貞符天討公無赦皇心愛不姑報讎方婉變錫  
爵竟嗚呼相業今如在民生實少痛誰能疵璧玉唯有泣瓊珠執簡  
書羣盜當關欠一夫馳奔嗟薄日沐浴止中途決去思投闕違之或  
汎湖危知無復死恨不奮前誅春雨煩冤滌朝陽癩思蘇謳吟申感  
慨述作懼荒蕪芒忽思離散焄蒿起苑枯神還嵩岳峻氣直斗杓孤  
陟降先皇側回翔造化徒英靈常會合瞻想豈虛無

慶史顯甫治書父八十

治世尊三壽高年見八朝羽儀參漢皓神觀邁周喬柱下聲名遠壺  
中日月饒微醺霞灼灼新沐雪蕭蕭地厚人俱載天全玉不凋一經  
傳令子貳憲肅羣僚侃侃稱時望英英樹國標繡衣兼綵服白日  
上青霄上壽歸榮異推恩錫爵超紫深宗伯橐金重列侯腰珍膳應恆  
從安車必見招乞言逾藥石報德稱瓊瑤千歲庭來鳳羣工韻合韶



陳詩方懿頌擊壤此康謠

送國王采而只之遼東

太祖收中夏元臣有武功建邦開土宇爲位冠君公奕世王章在諸  
孫相業隆春秋周正月禮樂魯新宮鹿幣金遺耐熊侯算失中河山  
仍鐵券寶玉右珣弓投筆鄒枚秀揚旄茂縮雄塞雲依碣石凍雨洒  
遼東戎器囊藏盡賢書奏納同大夫勞督御惇史采民風

送陳碩原序

莆田陳氏慶曆各法從故家也自衆仲來京師集得友焉凡問學  
脩己之事有益於愚陋多矣又從知其父兄之賢也問所自出則  
南唐趙氏信乎其學之有傳矣嘗以其從子碩來見予愛其端謹  
可望南歸省父衆仲送之以文予不能忘也乃賦詩曰

六歲過閩郡書聲憶滿城目盲今子夏心醉昔延平爾叔同游息吾  
文愧老成每分重席暖相對一燈明遠海乘桴意高山伐木情願攜  
筇竹杖往看荔支生辟掾青衫舊趨庭綵服輕爲言穿木榻亦未厭  
藜羹寶瑟留飛鴈蘭舟及囀鶯佩懷湘渚贈綬向會稽迎去去江雲  
濕飄飄島霧清重來知有意時我已歸耕

奎章閣有靈壁石奇絕名世御書其上曰奎章玄玉有勅

命臣集賦詩臣再拜稽首而獻詞曰

禹貢收浮磬堯階望喬雲自天承雨露拔地起網緼擊拊磬音合衡  
從玉兆分巨鼈三島力威鳳九苞文班位資乾坎爲山鎮幅員固知  
興寶藏不假運神斤書帙侵春潤香爐借宿薰烟光晴冉冉波影晝  
泫泫融結繇元化登崇荷聖君瑞於龜出洛重若鼎來汾柱立尊皇  
極磐安廣帝勛詎云陳秘玩因願獻前聞

送南宮舍人趙子期宣 詔交趾

三年頒正朔五月向南交將命方離闕陪臣已在郊衣裳鴻羽漸干  
威虎皮包瘴霧衝風散瀧湍急雨捎朱鷺窺土室白雉下槽巢夜浦  
鮫停織陽罔荔折苞初筵分氎罽後騎踞笳鏡諷日脩王貢兼時眡  
客庖方言書及理海錯藉青茅漢柱苔侵篆秦林桂拂旂括囊無意  
政當戶有蠨蛸卽見還音節毋煩筮繇文

道園學古錄卷之三

在朝藁二

雍 虞 集 伯生

芝亭永言

律詩七言

送袁伯長扈從上京

日色蒼涼映赭袍時巡母乃聖躬勞天連閣道晨留輦星散周廬夜  
屬橐白馬錦韉來窈窕紫駝銀甕出蒲萄從官車騎多如雨祇有楊  
雄賦最高

代祀西嶽至成都作

我到成都纔十日駟馬橋下春水生渡江相送荷主意過家不留非  
我情鷓鴣輕筏下溪足鸚鵡小牕呼客名賴得郫筒酒易醉夜深衝  
雨漢州城

贈星上人歸湘中

潭北湘南無影樹一花吹渡海門潮天香滿室定初起雲氣上衣身  
欲飄寶月夜寒龍在鉢銀河秋近鵲成橋豈無一箇邛州竹與爾松  
根共寂寥

子昂秋山圖

翁昔少年初畫山丹楓黃竹雜潺湲直疑積雨得深潤不假浮雲相  
往還世外空青秋一色牕中遠黛曉千鬟瀛洲雞犬同人境尙想翁  
歸向此間

題黃竹村所藏畫卷

雪後城陰玉一坡寒梅疎竹共婆娑經行不覺籃輿遠點染還疑綵  
筆多蜀棧煖雲生野樹匡廬晴照落江波商公已老高公死惆悵誰  
人奈汝何

過池陽與周南翁同知

使過池陽聞上日好懷浩蕩爲君開江干維楫車馬集亭上持盃風  
雨來通夜魚龍聽語竟明年鴛鴦憶朝回九華秋色翠可食爲問謫  
仙安在哉

安慶路雙蓮寺得上人超然亭

超然之亭何所超雙蓮孤塔共岩嶢城頭疎雨散花至江外斷雲將  
樹朝晨飯舊從香積化晚鍾常送海門潮尋原悵望空歸去此地安  
禪試往招

謝茅山主者贈白羅氈衣請爲作大洞祖宗師四十五贊  
鶴氅裁成雪色新仙翁持寄感情真清高自此全拋俗寬博由來穩

稱身佩玉洞聞雲外響劍光飛射日中塵畫圖寫向羣真裏便是揮  
豪贊詠人

送莫京甫廣憲經歷

延春閣下承恩日是我經帷侍講時方擁青編臨綺席遙看朱紱拜  
丹墀風微細草鳴珂珮日煖飛花近鬢絲尙憶遠人常軫念莫言南  
海是天涯

集與諸公遊尙書何公山莊公孫斯明先爲翦薙荆榛并  
致酒饌遂得敬瞻尙書墓道盡日乃還偶成四詩酬斯明  
兄弟并簡同遊者

盛德高年陟泰階歸尋仙隱石樓開舊聞前引朱衣吏每爲行吟綠  
逕苔夜色園林瓊圃樹春寒庭館石湖梅世家今有賢孫子黃菊高  
秋與客來

先君夙有登臨志老去無能共往還敢謂菊華憐寂寞許教筇竹歷  
孱顏地高天近惟秋好雲淡風輕盡日閒早晚涪翁酬素約更從几  
杖一躋攀

石梯一逕仙凡交過此先見蒼崖坳幽穿斗角潛蛟窟危出雲根棲  
鳳巢題字百神驚澗底嘯歌衆籟越林梢重吟仙伯石樓詠一解齊



人山鬼嘲

黃姑仙崖置屋牢我躡飛磴如猿猱環山翠黛是城郭平地白雲皆  
海濤人頭關上走馬健仙掌峯前飛隼高願得金丹換毛骨三清八  
極共遊遨

黃氏妹之葬余以他故不及送之既葬之明日仲常弟與  
譚元之表姪述事興懷形諸詠嘆後十餘日始得併見諸  
公和章集憂患之餘觸事易於傷感俯仰存歿不覺清涕  
之交頤也依舍弟韻亦述二章一以示黃氏諸甥一以寄  
元之表姪

寒泉涓涓山木秋予弟行役荒原頭忍聽諸甥哭慈母浩將孤淚灑  
新丘山川神氣蚤晚復珠璧輝光日夜浮不惜衰年待爾輩受成積  
德過岑樓

憶別高堂十五秋不堪俯仰雪盈頭翁時贈玉歌清渭子正將車從  
太丘久矣孤懷成寂寞勗哉古學矯虛浮每看舍弟承咨辨如見從  
容月滿樓

題故太子少傅翰林承旨李野齋幽居圖

車蓋歸來托遠林魯山嵩翠魯原深漁樵相識頻分席賓客時霑舊



賜金百歲儀刑猶近古五朝文物至于今披圖想見登臨地松滿徂  
徠起夕陰

送江聲伯

家近茅峯無百里羨君來往及清秋每看丹井晨光起幾見龍池雨  
氣浮白髮紅塵嗟我老素書玉訣使人愁仙都羣老渾相識定著雲  
裘訪羽丘

歐陽元功待制入院後僕以兼領成均辰酉甚嚴絕不得  
相見今夜當同宿齋宮賦此先寄并柬謝敬德脩撰

學省初兼禁直稀故人同署却相違食餘首偕承朝日坐候棠梨過  
夕暉成均堂東有棠梨樹日影至則師生始散二十餘年矣預喜奉

祠秋寺燭定知催襪早朝衣今晨瘦馬經門巷想擁青綾尙掩扉

次韻張蔡國公淡菴青山寺詩

相國觀山負夙期聖恩祇許暫相違身隨雲影留三宿心了泉聲絕  
百非開士談空依寶樹野人耕雨薦山薇雙龍深護安禪處繞坐諸  
天近紫微

次韻國子監同官

坐隱烏皮髀肉消諸生應笑懶邊韶階前老馬隨秋草袖裏遺編俟

早朝乞米西隣晨有粥留家南國暑無綃經明亦是歸耕好清夢無時萬里橋

學官南直禁垣陰假寓唯愁兩壁沉一曲鏡湖遺老事二年經幄小臣心銀河回夜天逾近草徑迎秋露轉深珍重鄉人居巷北時能來往和鳴琴

次韻馬伯庸寶監學士見貽詩并簡曹子貞學士燕信臣待制彰允蹈待制

禁廬曉直夾城西經笥龍光暎壁奎繞閣浮雲飛野馬當階生草伏馴麕雷行已識天無妄風烈唯聞帝弗迷徒積寸誠無補報每還冰署欲鷄栖

其二

奉節通宵虎帳西重光貫玉護文奎賜餘分食兼羔雉侍側專茵雜豹麕樂事易成團月怨吟情深入五雲迷上林更有高枝在彩鳳還來擇舊栖

鼇峯者國史院庭中石名也伯寧御史爲僕言自其先公時與諸老名勝賦詩者蓋數百篇今玉堂無本而御史家具有之且曰峯所托差低盍稍崇其址乃八月五日既克

如命因賦此以報且請錄示舊詩補故事以傳云

視草堂前石一拳何人移置自何年久憐翠色連重地故拔孤根近  
九天俯仰百年承雨露等閑千尺接雲煙故家御史遺書在爲錄鰲  
峯舊賦篇

進講後侍宴大明殿和伯庸贊善韻

丞相承恩自九天講臣春殿秩初筵養賢敢謂占頤象陳戒猶思誦  
抑篇旣奏虞韶兼善美豈無后稷暨艱鮮願推餘澤均黎庶樂只邦  
基億萬年

劍履歸來帶玉璫元臣促召不崇朝盍簪誠與朋求助納約須從牖  
向招御柳新條臨畫殿仙桃曉色上春潮校書寂寞楊雄宅亦賦凌  
雲麗九霄

十一月二十夜思仲常弟

江梅應發去年叢叔也俄爲畢竟空來後去先康節苦離多會少子  
瞻窮近書時閱猶疑在舊學重思孰與同萬里相從憐季子白頭清  
淚夜牕中

還京聞訃在秋餘老淚無多眼易枯丹旄到無頻入夢佳城得否未  
收書食貧未已憐孤幼述德無聞愧老夫忍讀近緘成永訣爲教衰

薄趣歸與

次韻道士竇神清賦舜粟

帝德無爲保太和，歷山遺種有嘉禾。  
想經稷教躬耕法，正及堯時擊壤歌。  
或或九秋新雨露，離離千古舊山河。  
曲肱飲水幾忘肉，最憶宣尼感歎多。

太乙道士張彥輔日本國人從玄德真人學道妙齡逸趣  
特精繪事爲其友天台徐中孚用商集賢家法作江南秋  
思圖東觀大隱夫虞伯生爲賦此詩

三年別却釣魚磯，晝看新圖夜夢歸。  
石壁蒼松含爽氣，江沙翠竹弄晴暉。  
西瞻雪嶺家何在，東入天台路轉微。  
賀監若蒙湖曲賜，遍翔千仞振塵衣。

贈竇神清歸隱茅山

翩翩歸鶴自遼東，又向茅山擬住冬。  
啄食定依何處竹，結巢應得古時松。  
雪滿空山騎隻虎，月明秋水佩雙龍。  
別來彷彿三千歲，亦欲還栖第一峯。

題南野亭

門外煙塵接帝局，坐中春色自幽亭。  
雲橫北極知天近，日轉東華覺

地靈前澗魚遊留客釣上林鶯囀把杯聽莫嗟韋曲花無賴留擅終  
南雨後青

送貢仲章學士奉祠嶽瀆

三十過從今六旬故人唯我兩吟身空譚作賦相爲壽寧復升堂互  
拜親送別轉令嗟影獨思歸從此上心頻南湖春滿鷗波綠定艤漁  
舟往問津

次韻吳成季宗師赤城阻雨

人間伏日當蚤休道上馬車如水流神仙不愁風雨夕父老已知禾  
黍秋誰憐司馬久多病惟有杜康能解憂北溟之鷗六月息載我八  
極恣遠遊

次韻伯庸尙書春暮遊七祖真人庵兼簡吳宗師

賞心不作三春過高興都爲百事牽願解蘭舟溪水汎思攜藜杖野  
雲穿真人館在無塵界太尉詩如絕行仙花下共遊仍獨往不辭泥  
醉晚朝天

石渠承雨作流泉中有參差苜菜牽花近飛觴魚駭逝柳低步障燕  
隨穿紅塵朝路常參吏清晝齋居幾劫仙但乞會稽尋賀監酒船一  
棹水中天



花時宮館多賓客春酒盈缸餽在牽據石發歌風爲起臨流揮翰硯  
將穿紫髯一去惟憑夢白髮頻搔豈解仙賴有看雲高閣在江東烟  
樹共晴天

一住京華三十年春花秋月謾相牽高情總付珠簾卷危坐空餘木  
榻穿水曲停驂新袂事牆陰題字昔遊仙動成陳迹多惆悵安得長  
生老後天

送宋誠甫太監祀天妃

使者受節大明殿候神海上非求仙廟前水生客戾止帷中靈語風  
泠然麗牲有石載文字沉璧用縑求淵泉賈生何可久不見海若率  
職君子還

觸石墜馬臥病蒙 恩予告先至上京寄漑之學士敬仲

參書

翠幄臨都尙駐郊言瞻龍漢度前茅雨餘草氣千原合日下雲章五  
色交給札脩辭持玉筆賜羹充腹出瓊庖白頭感遇知何補阿閣清  
巖栖鳳巢

趨召顛躓歎日昏旋聞予告荷深恩藥頒西域千金劑酒賜初筵九  
醞尊默憶舊書忘晝永行吟冷署覺春溫摩挲素壁光於雪思得參



書寫樹根

閒閒宗師和前韻期望過當復用韻以謝

草堂長憶蜀西郊屢卜歸休自折茅司馬檄傳驚父老少陵詩苦入神交山多美竹深宜屋江有嘉魚遠致庖乞得閑身當及早堯時元自有由巢

書卷連床度曉昏懷歸猶復戀君恩養生賴得南華論好客時傾北海尊山木向秋俱老大海霞迎日共清溫蓬萊正與鼇峯接幾見浮雲起石根

雲州道中數聞異香

雲中樓觀翠岩嶢載道飛香遠見招非有芝蘭從地出略無烟霧只風飄玉皇案側當霄立王母池邊向日朝却袖餘薰散人世九天清露海塵飄

次韻楊友直北行道中

蕭蕭戎馬昔升虛壯士吹笳慘不舒關外羽書二月急道傍茅舍百年餘沙田雨足仍生黍河水冰消不禁漁洛下賈生猶獻策平明立在玉階除

王儀伯參政見和郊字韻詩復用韻敘謝

龍游宮沼鳳游郊通水明堂不翦茅繇蒞草儀三日具大亨饗帝五雲交執輿已信神爲馬和鼎寧容祝代庖八月涼風張樂地頌聲洋溢播雲巢

聖遠言湮感墊昏河汾千載最知恩垂紳論道稱前古束髮明經奉至尊車騎身從游汗漫庭闈心在視寒温朝回未覺歸途晚斗柄西移揭角根

十月十六日奎章奏對回至李旣之學士宅宣

旨行香孔林桮上得佳紙因賦此詩并得其鎮紙玉蟾

聖恩深念魯東家林木蕭條散暮鴉丹詔先令脩古廟彤庭即日遣皇華閣中學士馳山驛天上午星絢海霞偶爲傳宣到書閣就床奪得玉蝦蟆

次韻馬伯庸尙書

邃閣晨趨禁掖西莫街騎馬及鷄栖退朝每想花邊散得句應從竹上題賜被南宮無宿火齋居方丈有蒸梨鳳池何似承明近久候文星共聚奎

送甘太史祀名山大川

太史名山閱祕經承恩衣繡許趨庭江頭飛蓋逢春雨林下幽人識

使星宣室夜深蓮燭絳石渠風煖竹書青清朝盛典須成蹟最想端  
歸駟馬駟

投甘太史并寄天台武夷太無三君

武夷山裏芝三秀華頂峯前黍一炊湖老每懷鴻去遠山人毋謂鳳  
來遲浮關紫氣緣書住照夜青藜賴客知賀監清狂天所放故令華  
髮侍安期

子昂墨竹

高崖數竹凌風雨老可當年每畫之脩影自憐流水遠虛心如待出  
雲時縱橫鴻爪留沙磧宛轉鵝羣向墨池百世湖州仍見此故知王  
子善參差

二十五日卽事呈閣老諸學士

松陰鵠立候宮車風送飛花著白鬚水影漸移簾側畔鸞聲祇在殿  
東隅近床擬進賢臣頌載筆親題列女圖太液雨餘波浪動龍舟初  
試散魚鳧

賦胡氏皆山

萬山起伏如波浪外固中寬故可居日出擁金千仞雪雲生納翠八  
牕虛亭中留客多爲酒谷裏成樓更貯書朝往莫歸勞杖履醉翁應

不憶環滁

賦碭山簡陳卿心遠亭

作亭臨河河水渾草樹繞屋啼鳥聞夢回枕上彭城雨目送檐間芒  
碭雲歸來黃菊有佳色坐老青山無垢氛但願尊中長得酒曲阿莫  
問舊參軍

送全州錄事

清湘郡城公事少錄事官曹盡日閒且可隨雲度流水更宜把酒看  
青山僧前虎跡石苔紫雨裏鳥聲江竹斑應會吟詩一百首寄與明  
年春雁還

與衆仲助教譚王臨川遺事慨然興懷良上人爲蔣山善  
公求送行因爲賦此

霜筠雪竹鍾山寺最憶臨川舊所遊病骨荒陂秋澹澹白頭遺恨思  
悠悠燕歸雲海迷華屋鷺起星河近綵舟欲托善公重到日松間石  
上試相求

玉堂讀卷

玉堂策士詔儒臣御筆親題墨色新省樹坐移簾底日宮壺馳賜殿  
頭春虞廷制作夔龍盛漢代文章董賈醇書閣莫年偏感遇但歌天

保答皇仁

謝吳宗師送牡丹并簡伯庸尚書

輕風紫陌少塵沙，忽見金盤送好花。  
雲氣自隨仙掌動，天香不許世人誇。  
青春有態當牕近，白髮多情插帽斜。  
最愛尚書才思別，解吟胡蝶出東家。

和范德機從楊撝進士見寄

清江先生最好奇，十年不出髮如絲。  
田舍每詢歸後計，玉堂今見寄來詩。  
風前雨過林花動，日下雲行省樹移。  
還覓舊遊春欲莫，楊撝爲我道深期。

送進士劉聞文廷赴臨江錄事

清江百人石爲城，太華千峯積雨晴。  
官府幾時書帙靜，漁舟盡日釣絲輕。  
故家好訪春秋學，上國多傳月日評。  
頗有老懷煩錄事，到州爲問范先生。

大廷策士問經世之道，僕忝在讀卷之列。  
觀諸進士所對有感，賦此錄以贈別。  
劉生粹中，支渭興，文舉，二賢良。

昔人有欲問先天林下相，期二十年已向塵埃成。  
白髮尙從燈火事，青編獲麟遂訖春秋後。  
鳴鳥猶聞禮樂前，春雨未來農事晚。  
獨懷歸



計在山田

羅朋友道擢高科拜官還崇仁賦此爲別

重溪疊嶂竹交加曾著芒屨踏白沙名勝多年嗟寂寞文章此日羨  
才華青雲步武纒重見白屋詩書尙幾家鄉邑相逢煩告語好敦忠  
信作生涯

白沙友道

居近之昔崇仁有何同父尙書李公父舍人墳墓故宅在焉國朝六科崇仁舉進士第者惟家第與友道才二人故

云重見所以深期望於來者云

贈趙生

天門一日觀黃榜茅屋三年掩素扉湘帙蠹魚春雨潤練囊螢火夜  
光微夢游朔雪留鴻跡思入南山望鶴飛會倚宮牆看射策上林初  
日炫朝衣

贈昇龍觀主

榻前親製先生號賜與江南謝舜咨太華雲開天使下少微星動史  
官知龍飛滄海留珠樹虎臥丹房守玉芝聖主無爲千萬壽更應築  
館候安期

訪李真人不遇

退朝花底佩珊珊去訪真人曉出關芳草欲迷行徑古長松深護步



廊閑蒼龍挾雨得瑤簡白鹿穿雲致玉環如到天壇看月影定知清  
露滿人間

賦壺洲

傳聞海上有玄洲曾是安期舊所遊千頃白雲都種玉一杯弱水不  
勝舟魚龍夜護黃金鼎鸞鵠晨朝紫綺裘波浪不驚星斗近步虛聲  
裏度清秋

完哲篤下第歸蜀

西郊長憶草堂吟塵外幽居更可尋奏賦上林春事晚攜書舊隱歲  
華深濯錦江波紅灩灩浣花潭水碧沉沉白頭未覺歸歟莫待子重  
來獻好音

吳宗師夢予得山居奇勝特甚夢覺歷歷分明忻然相告  
賦此

夜來夢我山居好笑我平生豈有之野服許辭金殿直俸錢足辦草  
堂貴安知蓬島非兜率不是匡廬定武夷還有勝緣同晚歲至人無  
睡已多時

會李簡伯司業分俎

憶昔同堂肄樂歌朝陽煦煦午風和炮羔升俎堆紅玉醕酒盈尊汎

綠波坐席已成三載別交情猶似嚮時多尋常飽德寧私我願賦緇衣上禁坡

次韻朱本初訪李溉之學士不遇

城南城北煖塵飛伐木相求苦未歸吟到碧桃還細雨行尋芳草又斜暉綺牕綵筆題詩徧斗帳沉香入袖微共載小車勝走馬重遊莫待曉紅稀

寄趙子敬平章

聞道乘閒入翠微猶愁嵐氣濕人衣道傍野樹飛花盡溪上春雲作雨歸故舊釣絲輕在手仙人棋局靜忘機赤松曾許同千載擬向高秋傍鶴飛

仁壽寺僧報更生佛祠前生瑞竹有懷故園

聞道故園生瑞竹試從來使問何如蒼筤獨出千叢裏翠節駢生數尺餘比管可吹丹穴鳳長竿莫釣錦溪魚折筵已向靈氛卜亦說能歸似兩疏

聞道故園生瑞竹令人歸興滿江干扁舟不畏瞿塘險匹馬誰云蜀道難杜甫溪頭花匝匝孔明廟裏柏闌珊新堂題作歸歟字定得臨江把釣竿

聞道故園生瑞竹山僧爲我重栽培百年雨露餘生息一日風雲幾  
往廻壠上枯桑烏萃止城東華表鶴歸來聖恩若許歸田里千石清  
尊爲爾開

聞道故園生瑞竹吾家孫子好歸看佛祠竟日春陰覆先隴多年莫  
雨寒門戶淒涼嗟老病鄉關迢遞報平安重來慎勿勞余夢駟馬橋  
邊據馬鞍

題張太玄爲陳升海畫廬山圖

誰向匡廬成舊隱畫中一似夢中看千株松樹參天起一箇茅亭傍  
水安清風空谷傳吟嘯白日高岑生羽翰寄語山中陸脩靜葛巾不  
畏過溪寒

別國史院鼈峯石

秋雨莓苔數尺身文章曾見百年人吁嗟一代興王盛付托諸公製  
作新垌野有詩皆在魯泰山無刻更先秦鳳麟一去無消息空使駑  
駘愧後塵

執戟揚雄久不遷頻年從幸到甘泉賜歸特許先三日作賦時令奏  
一篇翠勺娛人花帶露貂裘倚馬草橫煙殷勤爲謝堂前石何處秋  
來共月圓

神鳳琴

鳴鳥人間久不聞遺絃欲托斷琴紋曾看土鼓歌朝日亦共陶尊醉  
夜分五色雲中迎太乙九疑山下望湘君采詩應被唐風譜早晚樓  
舡或記汾

繼陶居士傳

汶水滔滔蜀嶺高飛蓬千里棘心勞道間乳虎作人語城上慈烏向  
子嗶玉樹歌殘斷王氣朱門往事付鴻毛將軍莫歎今爲庶居士當  
年已繼陶

謝書巢送宣和瀘石硯

巢翁新得瀘州硯拂拭塵埃送老樵毀壁復完知故物沉沙俄出認  
前朝毫翻夜雨天垂藻墨汎春冰地應潮恐召相如令草檄爲懷諸  
葛渡軍遙

送蘇伯脩御史

新除御史南臺去頓覺文星闕下稀病起可堪江霧濕信還莫待苑  
花飛千年鳳鳥來阿閣萬里鱸魚出釣磯總道揚雄文最古君知頭  
白久思歸

次韻柯玉文寄別

避弋驚鴻過遠汀啄苔病鶴想華亭  
枉騎情都盡於越扁舟影更傳  
賓客莫詢温室樹君王猶問楚江萍  
重來賈傅非年少前席從容對夕廷

謝書巢惠梅花

巢翁遠送梅花樹正在東風四日前  
紅萼無言餘舊雪白頭相見又  
新年喜從嘉樹來江雨憶共香杭  
上海船春夜不眠賓客醉只留孤  
鶴伴清妍

再用韻簡巢翁

豈無尊酒梅花側聞道長齋繡佛前  
官閣護雲宜煖日小車衝雪稱  
高年願辭閣下金蓮炬但乞湖中  
罨畫船約取巢翁攜鶴去鬢毛同  
白不爭妍

送玉泉長老栗木果

非青非黃栗木果使者西川馬上來  
楚國共疑金橘味衛人祇道木  
瓜栽頻婆妙色情懷別橄欖餘甘  
齒頰迴歸到玉泉應說法試令關  
老聽轟雷

送王君實御史

頓覺文星闕下稀旁人猶道此言非  
東風十日京城雪西道二春客



子衣鷲滿輞川君定到鵑啼劍閣我思歸千花並繞圖書府相待承  
恩入紫微

寄句曲外史張伯雨

獨抱長鑱管白雲琴心誰錄內篇文清齋三日秋仍瘦徧禮羣真夜  
每分石記恐妨塵外事山經聊許世閒聞已從司馬求真籙更爲通  
章九老君

寄會馬昂夫總管

白髮先朝舊從官幾年南郡尙盤桓九華山裏詩題徧采石江頭酒  
量寬雁到京城還日莫馬懷餘棧又春殘何時得共鳴皋鶴八月匡  
廬散羽翰

觀大洞經書與董道士

江東昔有大茅君大藥親令二弟分紺綠俄消頭上雪玄黃初合洞  
中雲雷鳴春谷龍三變月滿秋空鶴一羣一落人間成老大何年名  
字刻瓊文

送劉宗師歸茅山

長松落落千峯雪碧漢寥寥一鶴風十月暫離句曲洞早春還謁大  
明宮君王舊識蒼龍劍圖畫新傳白髮翁欲把紫芝歌隱德二茅應



聽月明中

與薩都刺進士

當年薦士多材俊忽見新詩實失驚今日玉堂須倚馬幾時上苑共  
聽鸞賈生誰謂年猶少庾信空慚老更成唯有臺中馬侍御金盤承  
露最多情

送歐陽元功謁告還潯陽

憶昔先君早識賢手封製作動成編交游有道真三益翰墨同朝又  
十年心似古人機獨敏用周當世德仍全雍祠已有蒼崖石欲托高  
文與代傳

曉奉新書進御床解纓隨見濯滄浪歸鴻不計江雲闊倦驥空懷野  
水長竹簟暑風魂夢遠茶烟清晝鬢毛蒼藍輿千里宜春道投老相  
求水石莊

送王師魯編脩祠南鎮

山陰巖壑多陳迹王事能來况莫春太史好探神禹穴老夫先是會  
稽人海東日出雕闌近湖上風生白苧新若得柂樓同晚飯便從賀  
監卜爲隣

次韻楊友直

史館能容客避囂深簾飛絮晝寥寥數枝芍藥誰相贈一束生芻故  
可招坐定驚雷經席上酒闌纖月在林梢何由長共陶弘景聽取松  
風作鳳詔

題東平王與盛熙明手卷原序

宋宣和手勅一通卷首題識四字我朝

英宗皇帝御書也 帝嘗以至治三年正月十五日幸五華山

臣有以此書獻者丞相拜住侍側就題以賜之既歸第曲江威

熙明寫金字佛書一帙贄丞相丞相因此卷贈之且語以其

故至順三年三月八日熙明屬歐陽玄記其事於左方

聖代御題前代勅小臣叨備史臣書事業久爲人士首文章猶作世

璠瓊海淪碣石圖空在墓築祁連計已疎誰識全燕天所眷萬年形

勝帝王居

和馬侍御西山口占

岩嶢宮殿水西頭春日時聞翠輦遊霧引旌幢連閣道風傳鍾鼓出

城樓羣臣頌德金爲刻萬歲稱觴玉作流避暑醴泉涼氣早旋京應

喜大田秋

到先隴爲墓人書

未忍他鄉作故鄉，故因使騎入陵陽。鄉人共訝聲音似，客路疑將鬢髮蒼。親老長懷鄉里意，孫多宜置墓田旁。治生自可依諸葛，數頃膏腴八百桑。

八月十五日傷感

宮車曉送出神州，點點霜華入弊裘。無復文章通紫禁，空餘涕淚洒清秋。苑中首藉烟光合，塞外蒲萄露氣浮。最憶御前催草詔，承恩回首幾星周。

題煖翠亭

老去唯思臥白雲，一亭萬竹喜初聞。波回曉日鴛鴦並，沙散晴烟翡翠分。把釣左泉歸衛女，乘舟北渚望湘君。誰能獨采薇盈袖，却道高寒思不羣。

送許有孚赴湖廣提舉

奉詔掄文祕殿西，才華知合藉金閨。思親浩蕩江波遠，戀闕遲回苑樹低。望鶴樓前移綵鷁，吟詩花底聽黃鸝。歸來尙覺春風早，雁字充庭玉筍齊。

賦石竹

積雪初消萼綠華，東風吹動絳綃霞。龍嘘石氣千年潤，鶴過林陰一

逕斜刻字欲尋金錯落  
析旌如織翠交加  
綺牕坐對吹笙暖  
未覺人間歲月賒

集爲朶兒只慎齋平章題紫微亭用王右丞語也并賦詩

一首奉寄

右丞昔向終南住  
獨對南山賦紫微  
春雨收原上  
牧晚晴仍見谷  
中歸好留杜牧爲賓客  
更覓園公共  
蕨薇聞道新亭多雅興  
想持尊酒看清暉

賦碧筠堂

藹藹江東雨後雲  
碧筠堂上注芳尊  
眉山老去無賓客  
淇水春生有子孫  
團扇晚涼留翠黛  
疎林纖月對黃昏  
問誰吹得參差玉  
爲斲蒼苔向石根

奉同吳宗師賦蔡七祖新齋

城南烟樹聽鶯啼  
石上莓苔覓舊題  
自有琴心傳內景  
更將書帙事幽棲  
晚來相鶴風生竹  
雨過籠鵝水滿溪  
蜀客草玄成底事  
蕭條白髮愧青藜

次韻吳宗師

硯池滿貯薔薇水  
鏗腹輕磨翡翠釵  
仙苑烟雲隨地煖  
道山風日向

春佳巢笙夜夜鳴金屋飛鳥時時步玉階祇恐江頭花事晚漫勞車馬賦茅齋

寄來鶴亭主人

德清舊館何時到雨後春泉定滿池綠字久無弘景信紫苔應長少霞碑數峯烟樹天垂野千頃鷗波雨散絲海內交遊多老去爲誰溪上放船遲

送王中夫赴安慶教授

太行積雪都消盡船到舒州水正高江樹連城分野色門生加豆薦溪毛尋原自去書山石問字誰能載醴醪爲覓種椒張處士早收丹實待歸舫

予延祐己未秋南歸安慶城東有張教授與予同舟從者得椒實數升至江右種皆成予復來京師又十數年山中椒已無存者可爲求種秋過江上行取之爾

送張兵部巡視運河

畫橋冰泮動龍舟鴨綠潏潏出御溝使者旌旗穿柳過人家鳧雁傍溪浮桃花吹雨春牽纜江水平堤夜唱籌應有餘波方浩蕩不令歸楫恨淹留



謝吳宗師惠墨

念我衰年不廢書錦囊古墨送幽居明牕塵影丹同熟玄圃雲英玉  
不如敢爲文章勝虎豹祇應箋註到蟲魚研磨不盡人間老傳與兒  
孫尚有餘

再和

慣見天真按筆書七言宛麗出閒居誰云太璞無存者藏在丹房已  
久如寫韻臺虛人跨虎換鵝池暖水生魚玄霜比似金丹祕祇得刀  
圭便有餘

家傳戈法負遺書得墨深將藻繪居華采每慚誇既往平安聊遣問  
何如畫殘翠黛愁蛾綠寫得黃庭辟蠹魚鬚髮如霜還可染硯池不  
敢棄君餘

二用韻畱巢翁就以奎章賜墨予之

隣父長思長史書不辭頻謁惱巢居臨池三月玄霜盡對月千篇白  
雪如賦敵洛波翔翠羽歌成湘浦媵文魚故分瀘石松烟色猶是奎  
章舊賜餘

四用韻寄吳宗師奉祠城東岳祀其二謝夏真人送海棠

一枝



休奉東封遠獻書神宮咫尺九重居香飄祕殿人顯若靈降方壇樂  
翁如水上祓除祠候燕雨中歸牧夢占魚此時最憶風雲地濯濯清  
沂詠歎餘

定計歸來已束書高齋虛寂似禪居好花送與春風共病目愁看宿  
霧如四月出林多野筍半陂流水足溪魚今春又過今秋早一飯跏  
趺不願餘

謝吳宗師送牡丹

人人看盡洛陽花誰似堯夫小小車高閣每煩君寶望西街還過伯  
淳家東風寒食吹烟散燕子空沼莫景斜最憶青城坪上樹樵人祇  
向檐頭誇

題著色山圖

江樹重重江水深楚王宮殿在山陰白雲窈窕生春浦翠黛嬋娟對  
晚岑宋玉少時多諷詠江淹老去倦登臨扁舟却上巴陵去閑聽孤  
猿月下吟

題熊太古畫

亭上長松三百丈何人可以此經過窮冬藜杖出同谷清夏籃輿還  
曲阿栖鷗每來從島嶼老猿時復下藤蘿王維韋偃久不見病目摩

擘愁奈何

送趙伯常自中臺出貳淮憲

淮南地沃偏宜麥况可扁舟弋鴈鳧此地正須能賦客中臺新剖使  
君符山城過雨驚春盡野老扶藜到日晡行部若臨江岸闊烟波冉  
冉有漁夫

送淨慈書記

寒梅的的西來意翠竹青青劫外春日出碧鷄山作霧臺空彩鳳地  
無塵八年寫遍湖光好萬里歸來月色新我在錦宮城裏住白雲滿  
屋便爲隣

送趙秉彝因王君實末章以起句

朝裏儒冠盡白頭斯言三復使人愁芳叢獨見芝蘭秀蚤歲不矜穉  
稗秋藏書靈谷訪遺老把釣清江懷故侯大中梁棟小榱桷匠氏尋  
引還相求

題畫

緝熙殿裏御屏風零落誰收百歲中錦樹總含春雨露畫橋猶是舊  
青紅花開陌上懷歸燕潮落江頭送去鴻何似綠波生太液絳桃風  
急綵船東

城東觀杏花

明日城東看杏花，丁甯兒子蚤將車。  
路從丹鳳樓前過，酒向金魚館裏賒。  
綠水滿溝生杜若，煖雲將雨少塵沙。  
絕勝羊傅襄陽道，歸騎西風擁鼓笳。

題張希孟中丞送畢提點申達卷後

十年七聘不還朝，起爲飢民夜駕輶。  
嘉樹百年誰忍伐，生芻一束不能招。  
西州華屋交游少，北海清尊意氣消。  
欲寫濟南名士傳，泉聲山影晚蕭蕭。

寄海南故將軍

海上風來五月秋，晚涼應上木蘭舟。  
金盤丹荔生南國，玉碗清冰出北州。  
狂客醉時花作陣，美人歌罷月如鉤。  
斯門舊識將軍面，從獵還披翠羽裘。

次韻宋誠甫學士城南訪病莫歸

騎馬城南覓舊題，飄蕭蓆帽碧雲低。  
東風花柳過韋曲，落日兒童唱大堤。  
繡閣豈無和玉髓，錦囊還有鑄金蹄。  
歸來吟轉樓頭月，池冷夫容翡翠栖。

寄泉南三老人

春城連海樹扶疎中有幽人八十餘  
庾信流傳江左賦伏生零落濟南書  
鄰翁社舞尊多酒弟子晨炊饌有魚  
前代衣冠今絕少故懷三老載安車

次韻會衆仲助教相壽之句

老牛無力服柴車道遠鞭驅未到家  
碩果當留霜後樹寒梅深辨雪中花  
青城萬里懷空谷滄海千年望太霞  
賴有良朋相慰藉釣竿隨分倚江沙

題康里子山尚書凝春小隱六韻

羣玉府中香滿袖凝春亭裏看花開  
綵雲近席微風動紅日當牕好客來  
西海珊瑚階下長東家胡蝶雪中回  
竹深每聽尚書履池煖時分太液盃  
鳳羽浮烟金錯落鵝羣隨水白  
毯毳人間應得函封帖青李來禽繞舍栽

次韻杜德常博士萬歲山

祕閣沉沉便殿西頻年立此聽春鷗  
風搖翠岸新生柳雨浥銅池舊產芝  
玉几由來常咫尺衡門此日遂栖遲  
申生欲去柴車在杜甫長吟雪鬢垂  
墨沼遊魚翻宿藻畫檐飛燕習晴絲  
山中竹簟涼如水應夢釣天九奏時

次韻朱顯甫

御溝雪融三月初鳧鷖鴻鴈總來居葡萄水綠可爲酒楊柳條青堪  
貫魚迤邐天河起箕尾滉瀟雲海浮青徐舟前花落傍飛燕隄上風  
來濕舞裾翠輦時留金轡曩錦波不著玉夫渠臨流宋玉偏能賦莫  
待東都客問予

絕句五言

燕陳公子宅贈燕學士

落日照大隄花間聞馬嘶城頭鼓角起相送五門西

宣和墨竹寒雀

洒墨寫琅玕深宮春晝閒蕭條數枝雪不似紇干山

上馬

眼昏身手鈍上馬怕風沙祇好扶藜杖循籬看落花

題日僉司所藏慧甄腐瓜行蟻圖

瓜腐來螻蟻梧生致鳳凰荒園空宿雨阿閣自春陽

雙鴛圖

戢翼石梁陰秋風日夜深使君莫行野江水蕩人心

畫扇雀竹



啄粟野田莫飛鳴亦求雌誰家江上雨發船歌竹枝

畫扇柳蟬

不食遂終日長吟如老翁金盤九秋露玉樹一絲風

畫雙蝶

舞罷庭花落池邊看睡鳧無端雙蛺蝶飛上繡羅襦

商德符畫松

松根生茯苓松葉纏兔絲服之可長生歸哉南山陞

河梁泣別圖

落葉滿長安秋風漢節還裁詩寄歸鴈三月到天山

題蒙古松壑書

長風壑中來吹雨洒高竹憶昔曾見之終南跨黃犢

捕魚圖

網罟日相從天寒澤國空釣竿長倚樹老却渭川翁

子昂畫

拂石藜竹間采蘭幽林下游子憺忘歸何以遺遠者

又

松上一枝雪竹間千本蘭紅濤嗟遠道風雨憶春寒



雜寫

韓子登華封縣令捐其階囂呼始得下亦不傷雅懷

又

粵人善操舟先去令人愁今年水未落不見蓴鱸秋

又

狂罵人不怒徒然傷天和問君丹丘月當勝白蘋波

又

雲間陸士龍寧知千金貲文章倘有取論薦何愧辭

又

長鬚一握雪昏目九重雲不爲成去計猿鶴皆怨紛

又

夕望姑蘇月晨瞻太湖波金章還闕下隨意覓漁叢

又

貪祿戀君恩三年金馬門願於堯舜世頭白老人村

題柯敬仲雜畫

北苑今仍在南宮奈老何青山解浮動端爲白雲多

又

雨過蒼苔石雲生  
埜岸泉幽懷春冉冉  
稚子秀娟娟

又

鐵石餘生色  
冰霜作曉妍  
春雷明日起  
何處尙龍眠

又

雨過黃陵廟  
蒼梧雲正愁  
何時倚虛幌  
對此滿林秋

又

江上秋漠漠  
風雨晚蕭蕭  
千載誰相識  
惟應待老樵

又

昔過篔簹谷  
鉤衣石角斜  
擬尋龍作杖  
拾得上天槎

又

黃金千鎖甲  
瑠玉六簾鉤  
雨送鴛鴦夢  
烟籠翡翠愁

又

娟娟生玉潤  
楚楚作金聲  
羽扇迎風定  
羊車過月明

又

峽口春雲重  
江南夜雨多  
水深桃葉渡  
風急竹枝歌

又

蒼涼初出日  
黃落早知秋  
不遇采芝客  
寧知叢桂幽

明堂要梁棟大匠取修直鬱屈崖石間秋風動蕭瑟

又

平陸蒼龍起近山生遠烟前村三萬頃明日水平田

又

又

莓苔生石路翠竹自交加不惜青鞵濕臨流踏白沙

又

昨夜采樵去偶逢三尺枯山人不到海不識是珊瑚

又

瀟洒一枝新惟堪掃淨塵白雲在窗戶留作老僧隣

題李漑之學士湖上諸亭

烟蘿境

玉女乘烟霧松間采薜蘿飛行了無跡明月送空歌

金潭雲日

金沙灘上日潭底見雲行祇有琴高鯉時時或作羣

漏舟

春水如天上秋潭見月中如何列禦寇猶欲待冷風

紫霞滄洲

洞裏琴鴻澗洲前棹入雲凝尋雲谷叟同訪武夷君

秋水觀

湖深山影碧天淨月光空幸自無波浪蘋花漫晚風

無倪舟

三周華不注水影浸青天不上銀河去空明擊棹還

紅雲島

日出湖邊曙雲生島上紅綵舟移曲岸白塵對微風

蕭間堂

受業蕭閒老令人憶稼軒高堂何處是湖曲長蘭孫

松關

黛色浮空表蒼髯積雪邊鷄鳴從此度掉臂向秋天

大千豪髮

善聽返無聲善視入無覩還將一縷雲散作萬山雨

觀心

炯炯燈留室微微息若存仰探當月窟俯察識天根

題熊太古畫

路過秦時檜家留蜀道山長安都看徧回首入柴關

又

海內此亭古幽村春事多扁舟歸未得江水已生波

敬仲竹樹古石

雪樹寒逾勁霜筠晚更脩玄雲動蒼石令我憶湖州

六言

題柯博士九疑秋色圖

余獨游兮洞庭野雲徘徊兮天將雨望九疑兮不可見結幽篁兮聊延竚

題柯博士畫

登孤丘而望遠見江上之楓林放余舟兮澧浦何天高而水深

道園學古錄卷之二